



元

自江蘇  
浙江  
安徽  
江西  
福建  
廣東  
廣西  
雲南  
貴州  
四川  
陝西  
甘肅  
山西  
山東  
河南  
湖北  
湖南  
江蘇  
浙江  
安徽  
江西  
福建  
廣東  
廣西  
雲南  
貴州  
四川  
陝西  
甘肅  
山西  
山東  
河南  
湖北  
湖南

~~86116~~  
94193

齋詩集 有正味

敘

三十年為一世余交毅人先生一世矣性情心術靡不浹洽有深於語言文字之外者即以語言文字論先生之詩非猶夫人之詩也文非猶夫人之文也詞賦非猶夫人之詞賦也必先有以得夫事之真情之合體驗融會而後滔滔汨汨筆之於書無所扞格京師釣魚臺桃花崇效極樂法源三寺海棠牡丹菊花澄懷園淨業湖荷花檀栢桂花皆稱極盛先生喜遊又喜偕余遊遊必有詩紀勝當夫酒酣笑樂俯仰今昔落落自喜蕭寥曠放雲之行也水之流也風之來也氣候之變幻也山川之俶詭也若有意若無意及發而為詩文則萬象包納幽者顯昧者揚堅者瑣者靡不摧且理焉噫何其大也先生在京師續刻詩集徵余敘今養疴江上七八年矣家貧課生徒自墜而四方乞詩

敘

文者履滿戶外近寄書云拙作久宜覆誑徒以區區之心不能割捨合並前作別有增刪業已付刊約春夏之交便可正諸有道前承高文弁首係專指續刻而言倘得渾括全詩益之獎借尤為銘感先生名重中外詩文集凡數鐫板賈人藉漁利致富高麗使至出金餅購有正味齋集廠肆為一空何藉自刻其集又何藉鄙人之敘哉然少陵不云乎老去漸於詩律細矜慎之至耳又以余聞詩教於先生三十年親見摻筆作文章甘苦有以得其真出言必能傳信故不屬高才鴻儒而屬余焉果此意耶則先生之集安得不重刻又安得不徵余敘哉附驥以傳謂非余之厚幸也歟嘉慶十三年四月二十五日同館侍生法式

善序

有正味齋詩集卷一目錄

錢塘 吳錫麒 聖徵

寶石山樓始存稿

湖州展謁祖墓信宿舊廬感賦二首

企喻歌二首

有所思

北垵山行

城西曲贈胡竹城

應煌

瑞石洞

讀放翁集

初雪

南潯舟中同問渠叔作

有正味齋詩集卷一目錄

懷友人讀書湖上

過蓮社庵

南湖絕句三首

觀夜潮

雲林寺訪慧朗上人

送客渡江

沙河晚歸

荅友二首

劉春及

延楷

齋中賦水仙

新燕篇

春暮柬周澄源

春旭

城南徐氏宅觀牡丹分賦得九言體

遊宗陽宮

東園

鳳凰山懷古

秋夜湖上

消寒絕句六首

簡舒古廉

紹言

湖上觀新綠

夏曉同舒古廉周澄源渡湖至丁家山

繇靈石下玉鉤橋尋句曲外史墓

登風篁嶺遂達龍井

晚入楊梅陽宿師子林

曉起冒霧出山沿九溪十八澗抵翁家山

有正齋詩集卷二目錄

二

過理安寺觀法乳泉

還經烟霞嶺尋石屋洞

秋郊晚眺二首

楊丈硯雨

華

畫梅見貽賦謝

雪霽

同人買舟出東新關暮抵橫塘宿胡氏古香書屋明日

曉起由半山橋入三塔觀梅得詩四首

硯雨丈自三塔歸畫梅數十幀以其一貽余且曰不可

無味因作二絕句報之

春燕和劉春及韻

送硯雨丈還京

黃葉

皇親巷邵家園歌

翦橙小集二首

雪中吳山晚望

雨霽

西湖夜泛

秋日出遊得八絕句

偕施藻嵐

叔

蔡柳堂

朋

沈耀莽

士銑

八楊梅鳴訪三祇

上人留宿師子林同作二首

正月九日再同施藻嵐胡竹城沈耀莽遊楊梅鳴前

韻二首

題趙羹齋雙鈎水仙

秋日雜詠八首

一有正齋詩集卷二目錄

秋日同人東園小集得鐘字

冬桑十二韻

有正味齋詩集卷一

錢唐 吳錫麒

聖徵

寶石山樓始存稿

湖州展謁祖墓信宿舊廬感賦三首

潛姿闕陰壑迅羽翔高穹宇宙各有託顯晦道不同余生守蓬  
藿敢信能固窮食德仰先疇慨然思農功云云溪中水謾謾松  
下風百年丙舍遠精氣自感通遺澤在耒耜忍饑望年豐白雲  
一杯酌哀響生枯楓爲我話疇昔落日來田翁

茅屋緣溪邊云是先世宅守家人雜棲頽敗僅四壁旁尋桑徑  
通遠見稻堆積場空人影小寒月瀉初白稚子出門迎揖我翻  
謂客殷勤敦禮意雞黍無遜惜緬昔綢繆心詎止計安適井竈  
不可尋青苔掩陳跡糞本葉知根探源泉有脈敞廬吾所愛夢

有正味齋詩集卷一

寐慰今夕

信宿極流連流連意難已比鄰各相欵酒薄味能旨恭唯祖宗  
舊流惠播粉梓沒世猶勿讓愛敬及孫子田歌互酬唱情話雜  
悲喜指示松楸間清蔭近尤美詩書不饋貧遑敢希膺仕服稽  
倘有秋歸學荷耒始

企喻歌

朔風吹蓬蒿驚沙落如雨鷓子不見來黃雀相爾汝  
快馬不絡頭報讎走千里日暮悲風生磨刀隴頭水

有所思

妾居長千里郎客巴陵州潮來與潮去同在門前流流過相思  
去長江無盡頭

北邙山行

朔望北邙山其下有車馬紛紛白衣冠云是會葬者豐碑嶺首  
高屹雲不知諛墓何人文白楊樹下悲風起故鬼啾啾語新鬼  
幾家寒食奠酒漿幾處宿草眠牛羊華表不歸千載鶴今古聚  
成一邱貉君不見炙手可熱勢絕倫一朝棺翼纏其身門生故  
吏各自去誰是墳前下馬人

城西曲贈胡竹坡應舉

城西柳枝三尺長與君同聽啼鶯忙城西落葉紛如雨與君同  
送烏衣去燕去鶯來年復年治遊常傍酒壚眠招人帘影候櫓  
口邊破一角紅樓烟豈無姪女工數錢豈無吳姬解按絃忽然  
曼聲起但見娉光眇視翩來前微風吹春燭花舞空裏行雲飄  
似縷唱汝黃河遠上詞幾人能識旗亭譜人生知己不在多賞  
音况復逢青蛾縱無盈斛珠諧價那不當筵淚涌波此時千觴

有正齋詩集卷一

二

辭不得此際三更聽漸急君自狂呼我已酣深杯瀉入銀河色  
座中詫此兩少年似顛非顛仙非仙頻澆壘塊還催酒軟踏琉  
璃欲上天君家舊住山陰道連日酒船來不少桃花開到隔江  
山恰對西施鬢髻好美人隱隱翔雲端我欲從之道路艱感君  
言語得人意能使腋下生羽翰來時共君行歸卽就君宿明月  
在前頭忘却我家屋青楊白楊前後居團雪散雪離合殊人生  
最愴黃蘗別吾輩先愁綠髮疎行樂不及時流光容易誤但願  
酒星常照酒人聚倒佩歌冠能幾度他年毋忘城西路

瑞石洞

拔起市喧外嵌空萬竅靈雲衣如鶴白石氣得松青樓閣仙人  
去林泉藥草馨夕陽無限意樵唱接冥冥

讀放翁集



鐵馬金戈夢不成，熏爐茗椀寄餘情。蘇黃以外無其匹，梁益之間老此生。擊賊未忘垂釣日，臨終如唱渡河聲。長吟直與精靈接，千億梅花坐月明。

初雪

爬沙一曲譜簾櫳，密灑斜飛態不同。對我青山蒙絮帽，待人粉本畫漁篷。濁醪已長前村價，黃葉纔空昨夜風。報與老農應色喜，鴉娘門外吮年豐。

南海舟中同問渠叔作

東西水柵市聲喧，小鎮千家抱水圓。敗齒印沙沽酒屐，榔頭抄路送租船。清風橋口三年夢，庚辰冬曾泊此太尉城邊一笑緣。支符謂泊南番無完一笑五湖本浪遊點綴荒寒賴鳥柏，小梅花壓幾梢偏。

懷友人讀書湖上

有耳齋詩集卷一

三

林雨灑清磬，湖風吹玉琴。對門新水滿，坐爾落花深。鄭重名山業，艱難故紙心。帶圍應更減，日日有幽吟。

過蓮社庵

徑盡芰蘆外人來，田水間百年看老樹。一角對遙山，貝葉僧繡款蓮臺。佛坐閒談禪有深，味文字亦相關。

南湖絕句三首

田家橋，轆碧流，通涼殺，垂楊四面風。綠絲全湖波，不小署名乞與水晶宮。南湖一名自洋池，四湖開見鏡白洋池在田家橋側，菱荷渺然，鷓鴣雜集號小水晶宮。

漁船撻過水邊扉，明滅湖光潑釣磯。荷葉已高花尚欠，一痕乾雪鷺鷥飛。

老僧頭白話張家，捨宅碑荒環樹遮。消受一竿煙水活黃梅，雨過蚪蝦蟆。楊萬里和張功甫詩，問南湖水幾竿。

觀夜潮

高樓極目大江寬，爲待潮生夜倚闌。  
隔岸忽沉燈數點，如山湧到雪千盤。  
魚龍捲地秋風壯，星斗搖天海氣寒。  
明月漸低聲已歇，一枝塔影臥微瀾。

雲林寺訪慧朗上人

石頭路滑亦何辭，曳杖來尋瘦阿師。  
有約白雲迎客起，貪看紅葉到門遲。  
住山要乞安心法，呈佛何妨本色詩。  
踏遍松陰欲歸去，泉聲十里晚風時。

送客渡江

西風吹柳盡無處，挽長條且醉故人酒。  
送君乘暮潮，言經梅福里，相訪稽山樵。  
隔江明月照余夢，亦迢迢。

沙河晚歸

有正齋叢卷一

四

落日收墟市，飛鴉亂夕天。  
峭寒渾赴曠野水，自生烟月在諸峰。  
外僧歸一磬邊，前途漸燈火，城堞望蒼然。

荅友二首

枯桐不能語，切切縈人思。  
空腹生蛛網，沒世待子期。  
士甘蒿蔓瘦，不羨酒肉肥。  
乞米無故人，魯公亦忍飢。  
蘭芳自爲賞，折之欲贈誰。  
朝來得素書，乃是我友遺。  
上言崇明德，下言感別離。  
承君廣惠問，報君無異詞。  
願共千里心，勿以中道歧。  
白璧易受玷，素衣易成緇。  
偶中於所貪，那得復悔之。  
春風吹楊柳，靡靡搖參差。  
高雲在天上，黃鵠相從飛。

鉛刀無良割，繒牛徒外榮。  
何如杜元凱，胸有武庫兵。  
愚智三十里，渺若河漢驚。  
蠶魚走廚簾，聚書多鬼名。  
此腹何負公，不使相拄撐。  
古來課士法，經史以歲程。  
賤生懼學晚，末由涉登闈。  
持斷

問輪扁材藉大匠成載賡伐木篇願言求友生子倘能我來嚶  
嚶有同聲子倘不我來踽踽吾獨行

劉春及

延禧

齋中賦水仙

懷之渺渺見娟娟相憶相逢各有緣高格白描燈上候小窗清  
供雪晴天湖頭廟已寒泉薦海上琴誰古調傳願借微波託心  
素今宵月落未能眠

新燕篇

去年別我落葉飛今年花發仍來歸幾日南園生綠草一條古  
巷閃烏衣烏衣有情工軟語珠箔玲瓏招故侶東風歷歷問寒  
暄夕照呢呢學兒女海棠雨過樂春酣令節剛逢三月三辛苦  
營巢防穴已綢繆定戶向東南南戶拓芹泥暖落成賀以晴  
雲盈隔墻何處簇樓臺別院誰家鬧絃管豪華炙手近欲嗔井

有正齋詩集一

五

文細畫梁無塵翩翩每見釵頭化窈窕從教掌上珍金魚牢合  
雲埋戶重聽鶯鳴社鼓窗底憑泥打玉箏樓頭有女悲朱纒  
極睇休疑路阻修眼前猶自挂瓊鈞年來年去渾如夢飛絮飛  
花攪作愁相依還說貧家好故壘當時非草草一翦香黏杏樹  
紅全身避入梨花縞花邊樹外久留連送上秋千人比肩豈無  
絳衫飄艷豔豈無繡帶舞翩翩衫痕帶影同下上輕身學得和  
春盪黑暗嫌經戶網兜黃昏怕觸簾旌響門外參差柳插高得  
時百鳥共求曹莫因北去憂鷓鴣莫爲東飛念伯勞羨爾雙棲  
同旂旋朝日曠曠睡新起頻頻喜報書堂前又引雛穿碧陰裏  
感恩惟有主人多主人欲別嗟奈何明朝相送橫塘路無限深  
情勝綠波

春暮東周澄源 春旭

三月已半花亂飛花飛日日漸花稀白蘋何處風正急黃鳥不知春欲歸湖裏外添荷葉小陌東西夾桑陰肥斜陽未落光景好待子來敲白板扉

城南徐氏宅觀牡丹分賦得九言體

輕陰連日欲雨不雨天清明已過尚在穀雨前城南主人邀我看花去到門便聽蜂子聲喧闌雕欄屈曲一幅青幔護羊燈蕩漾四角流蘇懸不知姚家魏家誰氏種黃者金縷紫者玫瑰鮮霞蒸雲湧頃刻開百朶似有羯鼓火速催花邊花頭如盤何止尺許大花身高透約略齊吾肩石家步障移自金谷至鄂君繡被堆向沙棠眠酣酣過卯常帶麴生醉亭亭正午試驗猫睛圓忽然花光捲起在空中際漫天柳絮正放春風顛人生看花須及花正好未必明日不付牛酥煎奉我蘭陵下若之美醞娛我高

有棗齋詩卷一

六

山流水之清絃進我綠沉青鏤之彩筆索我批紅判白之新篇廬陵記裏寫遍洛陽種沉香亭北句妙吟青蓮名花榮辱豈待鰕生志平生富貴自有文人傳晚來只恐鹿女踏花去但賸水枯歷亂斜陽偏不須評量十戶五戶賦火前火後有約期來年

遊宗陽宮

故宮德壽黯烟蘿橋轉新宮去踏莎山影出雲高閣見松聲吹雨半空多道人丹訣調龍虎老輩詩壇斂鶴鴉有約後遊乘月夜吹笙重著羽衣過

東園

彌望東門菜荒塍棧校分曉光餘冷露秋色有停雲記合伽藍續名會富景聞淒音互相答蟲語太紛紛

鳳凰山懷古

松光透天天欲濕作勢蟠筆萬蛟立咫尺蒼茫不辨人厓山暗  
捲寒濤入杭人故事說康王行宮十里營錢唐西湖花鳥奉宸  
賞不與汴水同荒涼納涼聞幸翠學講武還遇御教場此時  
此山入大內鳳凰爾在雲中翔百官環珮花漏午不知今者唯  
斜陽嗚呼宴安鳩壽厚金牌竟阻黃龍酒風波獄起墮長城從  
此中原非宋有嗚呼游戲干戈生襄陽礮火燒空明笙歌夢轉  
秋風急蟋蟀聲催白雁聲主失乾綱臣誤國撞壞家居良可惜  
殘山留作畫圖看一片傷心天水碧鳳兮鳳兮爾亦哀眼見宮  
闕成蒿萊金支翠旗安在哉問月月已落看花花未開隔江風  
雨諸陵來棠梨麥飯無人哭幾樹冬青怪鴉宿冷落鳳凰青隔  
竹

秋夜湖上

有正味齋叢書卷一

七

湖鏡雙開裏外分臥虹十二界波紋魚龍高興同乘月雞犬誰  
家只住雲隱隱鐘生昭慶寺沈沈樹暗岳王墳重煩老鶴迎人  
出一路松風訪隱君

消寒絕句六首

今年人說是豐年臘我山厨晚未煙聽得鄰家砵板急夢隨儀  
雁落霜田

饜頭山在屋頭堆磬口花干水口開不遇故人誰共賞打冰聲  
裏一舟來

蕉敗西風柳敗霜尖尖驢耳葉偏長枇杷自是冬心樹白雪花  
開照我牀

濕絮濛濛白戰天忍寒不肯裹衾眠破裘補綴十斤重壓倒詩  
人山字肩

班羅縣護山重重書訊山僧雪屋中煨芋豈關宰相事炊爬鏹  
子是家風

初茅補屋野人忙入望寬閒稼滌場一棧爛黃堆菜葉只添寒  
色助斜陽

簡舒古廉

紹言

君居我巷東望見我家樹三日春雨深相思落花暮

湖上觀新綠

畫裏租來弄水船一枝柔艣綠陰邊浮烟欲合全湖暝宿雨初  
晴萬樹圓紫燕黃鸝相對語餘花晚筍各成妍春愁獨我難消  
遣每到斜陽爲黯然

夏曉同舒古廉周澄源渡湖至丁家山

人語烟際生沿流舟暗轉清風善發蒙孤岫倏迎面就竹微徑

有味齋詩集卷一

八

連梯苔仄屐踐湖光所來處巖啟扉兩扇漸積夏綠寒全奪鼉  
采絢遙心赴空濶近狀收峭舊路絕蹤久迷境關勝重選旣暢  
榛穢除彌快泉脈見戛然琴筑音石溜迸如綫

繇靈石下玉鉤橋尋句曲外史墓

樵歌無遠近聽之清滿山送我如御風飄蕩風翠閒松篁杳莫  
數蘿薜紛可攀百梯陟窈窕兩崖束屣顏徐釋苔步窅行習澗  
語潺細彼凌雲人千載遺珮環摘葉吟許繼折麻情更關林阿  
掩遙夜時有鸞鶴還

登風篁嶺遂達龍井

幽篁不見天中有山鬼語諦聽景泉潺湲何處所澄心愜虛  
受清響赴遙佇峰高望疑秋樹密步忘暑屢休草徑深終窅展  
齒阻蒼茫雲不流慘變龍所處誠邀雷雨格乞荷瓢勺許居人

來利收僧竈井華者眷眷烟在林習習風吹汝相送過前溪遠  
鐘飄一杵

晚入楊梅陽宿師子林

山情悄然孤招客共雲入樹古無新香瀾漫清氣襲久聞金姥  
名惜欠林果拾風來韻疎磬日落閃斜笠烟中衆樵歸溪口一  
僧立香火故荒涼茅茨近修葺澹泊味自存精進詣難及彌勒  
許同龕吾先謀米汁

曉起冒霧出山沿九溪十八澗抵翁家山

芒屨已枉足起望還徘徊迷空排步障推墮青崔嵬冥冥窈窕  
間但聞泉響催習坎心自夷解駁風徐來微茫綫流注明白象  
路回時逢奇峰獻竹影爲之開山深土自厚風古氣更培雞犬  
別成村松竹爭綠猥旣幸虎警息共樂生計該茶園不苦瘠隙

〔有珠齋叢卷一〕

九

地隨時裁

過理安寺觀法乳泉

風氣引西迴溪流逐南往亭午空山幽疎蟬遞清響入寺陰不  
晴杪攏十圍長空花雜雨飛軟翠從風盪作禮繞空幢聽法造  
方丈默攝山君馴阿師信龍象神通見彼法淵照賞吾黨欲論  
逝者因相期在川上

還經烟霞嶺尋石屋洞

歸步候日昃涼塗快衣單遂循峰九折旋度磴幾盤風行羣篠  
碧煙裊纖蘿寒哈呀隱洞門眴轉窺井幹行行穿雲入耽踏如  
波瀾冥示諸佛變虛拓大厦寬狀詭絕穿繫勢動連蟠蜿凝膏  
霏玉乳叩訣迷金丹塵埃亮難蛻林湫良可歡摩霄仰黃鵠安  
龍借羽翰

秋郊晚眺二首

城堞去已遠亭臯望欲迷  
頽陽流影澹歸翼撲涼低  
苔約橫前渡瓜棚倒舊畦  
蕭閒殊自賞草履若爲稽

亦有伊人慕渺然天已霜  
丹黃羣木合明滅一波長  
萬態紛搖落浮生易老蒼  
笛聲衰草起隱隱下牛羊

楊丈硯雨華畫梅見貽賦謝

閉門風雪裏春色一枝來  
幽夢分明見孤山昨夜開  
影常橫瘦月花不落疎苔  
他日林泉約株株似此栽

雪霽

佳晴物態轉冥冥畫裏何人展  
商經老樹悄迷羣鶴自破窗寒  
納一峰青行穿竹鳴尋梅鳴  
溫罷茶瓶續酒瓶殘滴聲敲玉  
碎負暄好傍短檐聽

有正味齋詩集卷一

十

同人買舟出東新關暮抵橫塘宿胡氏古香書屋明日  
曉起由半山橋入三塔觀梅得詩四首

昨夜生春水乘流放畫船  
照人山刺雪出郭浦多烟  
興猛採花始吟豪命酒先  
誰家籬落近竹外一燈偏

艷曲唱橫塘金尊罷燭房  
美人此遙夜清夢落匡牀  
隔戶禽如語窺簾月有香  
相思雲水遠心已墮蒼茫

欲訪梅多處行逢水盡時  
橋迴通曲隴花好見橫枝  
深雪聞遙磬春風護短籬  
爲留香影在斜日故遲遲

禪師埋骨地塔繞萬花寒  
明月前身是青山四面看  
齋廚飢雀下定樹瘦蛟蟠  
試問傳燈意山僧欲話難

硯雨丈自三塔歸畫梅數十燈以其一貽余且曰不可  
無味因作二絕句報之



君家畫梅楊補之吾家畫竹梅沙彌晴梢雨葉無人會奉勅村  
梅見此枝

枝枝不用寫橫斜萬丈花光萬樹遮不到皇亭人不識月明如  
雪雪如花

春燕和劉春及韻

今年燕到過春分依舊營巢補綴勤破屋數間偏戀我落花三  
月正思君條條古巷濛濛絮處處香泥軟軟芹半日疎簾相待  
久歸來時節又斜曛

送視雨丈還京

柳絮滿煙汀萋萋草又青去知君莫挽愁覺我難醒春水流鄉  
夢天風動客星江南到江北吳語正須聽

黃葉

有珠齋叢卷一

十一

古水荒郵外西風葉葉深徑多樵子踏秋約酒人尋遠色明諸  
嶺斜陽淡一林六朝金粉在付與亂蛩吟

皇親巷邵家園歌

城西落葉飛如雨切切陰蟲啼菜圃比屋難尋列戟家居民只  
賸淘沙戶荒池闌寂不逢人斷井頽垣跡已陳爲訪前朝徵故  
事頗聞古巷住皇親皇親舊是小家子有女深閨嬌莫比得價  
甘拋在掌珠入宮安望還鄉水才華絕代動君憐幾暇聽吟紅  
藥篇位進宸妃承寵渥封加壤子受恩先祇愁身閉葭蕕鎖眼  
看宮槐黃又墮日影空隨鴉翅翻天顏罕遇羊車坐烏蟾變換  
幾朝昏龍衣親拜娘娘尊去國思親悲帝子眼花頭白見神孫  
外家尊禮踰前世一脈金張競奢麗御翰親題堯母門帑金催  
建宜城第車如流水馬如龍填咽通衢軟繡濃家恃高明忘鬼

暇表修恩澤拓侯封明年詔起西湖慕漆棺入地三泉銅黃昏  
路黑閃魚燈白日雲寒迷宰樹西風容易過繁華沁水田園屬  
那家隴上已栽楊憚豆路旁誰問邵平瓜卽看歷劫山河壞轉  
燭興亡同一喟泣別盤先銅狄傾負恩塞亦盧龍賣辛苦池臺  
幾載營一朝狐兔竄榛荆每來喬木風烟裏如有名花嘆息聲  
當時聞道推恩重嬋娟不許江南供似此婆心造福多尚應佛  
號焚香誦遺澤會無五世垂烏衣何處認門楣飄零金埒銅溝  
夢惆悵山樞蟋蟀詩

剪燈小集二首

蟬天霜信最先知橘後光陰與爾期感舊不禁酸一點吳姬筵  
上手搓時

剪刀聲裏脫枝輕香霧濛濛觸手生記得花時春未晚楚鄉細

雨作清明

雪中吳山晚望

莽莽排羣岫迷迷漲夕天白生千樹月寒失萬家烟禽鳥各歸  
去江湖殊渺然只疑仙闕近羽袂振翩翩

雨霽

一樹晚烟霽滿階生綠苔流鶯斜日外能爲落花來

西湖夜泛

水展琉璃箔人乘書畫船蟲聲千葉雨月氣一湖烟壞塔黃妃  
剩清詩白傳傳勾留逢此夕一半藕花邊

秋日出遊得八絕句

峰頭雨洗夕雲開屋後窗前亂鬢堆一笑青山如賺我十分秋  
色進城來

石卵勾圓枳徑通竹聲樓北水樓東幽人來踐西湖約洗手花  
邊聽草蟲

松陰一席看煎茶老衲長眉鬢已華不怕秋寒山裏早白雲如  
絮裏袈裟

赤山埠口日未斜黃如塔頭烟半遮揮船竟渡湖南去秋在一  
枝紅蓼花

一桁簷前挂短衣滿襟涼翠濕靠靠昨宵風雨前溪路荷葉遮  
頭赤腳歸

老牯一羣角繭栗扣而歌之聲好聽牧笛不知何處和夕陽秋  
水樹冥冥

汎汎烟波一道長扁舟幾日住橫塘黃花天氣聞新雁吹冷夜  
深篷背霜

石硯齋蠹卷一

三

老癢紅泥乍拆開雞頭竹下晚涼來酒人好似楓林葉一日斜  
陽醉一回

偕施藻風

蔡柳堂

沈臞莽

土

入楊梅塢訪三祇

上人留宿師子林同作二首

幽鳥語溪晚林扉掩薄暝好山都隔竹凍磳易藏雲此地茅茨  
熟諸天梵唄聞來先參米汁佛見也欣欣

有僧如此少小住亦爲佳明月窺寒榻孤窗逼峭崖燈前落蒼  
鼠夢裏健青鞋半夜松濤發身疑風雨偈

正月九日再同施藻風胡竹城沈臞莽遊楊梅塢用前

韻二首

不負看山約重來未夕曛新正多勝日吾輩沉閒雲蕭寺參差  
見清鐘斷續聞禪師說法罷猿鳥有餘欣

但道山依舊誰知春更佳雪消寒注澗藤長綠勾厓禪味貪蔬  
飯遊蹤信草鞋經幢摩古字惜未焚是日期柳堂不至

題趙彝齋雙釣水仙

茫茫如夢復如烟流落遺緣四百年不盡湘雲湘水怨只憑一  
葉一花傳王孫何在空愁絕帝子凌波亦渺然回首仙人辭漢  
日銅盤清淚尚濺漣

秋日雜詠八首

楓樹蘆花照眼秋飄搖身世感浮漚拍天烟水江湖晚動地風  
潮簷稻愁落木將寒欺病枕暗燈迴夢入孤舟仲宣詞賦多蕭  
瑟願更從人作遠遊

蟋蟀聲殘咽暮烟梧桐影碎落階前樓懸織女東西足戶候蟾  
蜍上下弦霜冷瑤池幾日樣回銀漢定經年分明天上秋先

到傳向人間一惘然

有正味齋詩卷一

十四

樹老冬青事可哀當年宮闕亦崔嵬豈知桂子荷花後惟見殘  
山賸水來銅狄無聲悲露下水崖有力折潮回芙蓉多少秋江  
上贏得遊人數舉杯

勢迴龕楮鬱蒼茫海上防秋駭望洋蜃氣噓樓橫馬磧魚鱗刷  
浪走鹽倉水仙不信孫恩死沙鳥爭如精衛忙難得天高塵盡  
洗一輪端正挂扶桑

風清木冷白雲低平楚蒼然入望迷澤國哀連江北雁天河唱  
落汝南雞征人遠夢驚砧杵少婦空閨怨鼓聲聞說玉關三萬  
里豈知戍客又關西

三載賓朋愴瑟居天寒眠食近何如疲驢偃蹇空山雨倦鯉浮  
沉遠道書禾黍風低田苦瘠薜蘿衣薄帶留餘貧交豈有炎涼

悲秋扇唯防狂篋疎

西風搖落滿關河惆悵年華逝水過去國最憐吳客早悲歌無  
柰楚人多青衫幾度飄枯葉苦酒經年釀敗荷又是高樓聞笛  
處白蘋江上落空波

極北羣山萬笏朝屬車豹尾計程遙帳圍白草膏談虎箭響青  
山曉射雕樵採斲平埋骨壘邊防龍唱築城謠長楊未獻相如  
渴巖穴何人起寂寥

秋日同人東園小集得鐘字

徑穿野圃少人逢問字扉開軟酒從楓葉繁華驚過鳥菜根滋  
味聚寒蛩墻低易豁看山眼菴近頻聞出巷鐘瑟瑟菱蘆風一  
片隔池何處採芙蓉

夕菜十二韻

有正味齋集卷一

五

旨蓄三冬記園官供可能薦辛盤裏未抽甲雨中曾液引渠流  
注肥經土氣蒸青蟲飢蝕葉黃蝶瘦穿滕好藉濃霜壓全和夕  
照登多情成把送求益足斤稱擇地攤千本當風挂一繩甕材  
隨處覓鹽價應時增丁倒埋塵窖清饒出酒燈咬根宜我輩食  
澹比山僧美味甘于肉寒聲脆似冰茅擔逢歲晚此色正須矜

有正味齋詩集卷二目錄

錢塘 吳錫麒 聖徵

嚴江集

富陽

雨中過七里瀧作歌

嚴州

春草四首

贈王擬園明府

延勳

萬齋感懷

江亭晚眺

食筍

柵民謠

有正味齋詩集卷二目錄

龍山飛瀑歌

江上泛舟

聞竹城近遊越中詩以寄之

遊天寧寺

韓蕲王將臺三首

晉口

歸舟載茉莉珠蘭數種際晚香氣尤烈以酒賞之

余自嚴江歸聞沈暉荈病劇急往視之但及一執手而

已哭之以詩

湖上看雨

晚泊湯家埠

江夜

江山船曲四首

游高峰山登浮圖絕頂

江岸晚行

漁父詞

秋感三首

寒曉

夜觀烏龍山野燒

待雪

聽雪

掃雪

煮雪

余將歸杭擬園爲畫山水贈別詩以報之

有東齋詩集卷二目錄

二

自嚴州歸錢唐舟行濡滯獲覽山水之勝凡六日得六

百言

庚寅春再赴嚴江同舍弟

錫麟舟中作

東湖曲二首

子陵魚

午日江上

讀詩經七首

同景笠人大木暨舍弟錫麟登臨江亭作

桐廬晚泊

藉光庵

靈隱道中

秋闈最罷仍至嚴江諸同好賦詩送別舟中感懷寄會

四首

舟行阻風宿江上三首

釣臺謁嚴子陵祠

江上雜詩五首

遊澄溪道院

祖師庵

晚渡

荃栢渡遇雪

雪中經子陵釣臺

鵝港

桐廬道中寒雪初晴月色皎潔

長山隴復雪

有正味齋詩集卷三目錄

泊富陽郭外遙望赤亭諸山



嚴江集

富陽

人語鄉音雜朝炊其繫船江流成字曲漁陣合圍圓避雨雙鷗  
夫偃雲一塔偏赤亭知不遠颯颯響松泉

雨中過七里漧作歌

蒼蒼茫茫江一面雨入江光吹不見前灘後灘白如練有風頃  
刻七里過無風奈此七里何忽然雨勢挾風至但聽來船爭唱  
順風歌我船甘讓來船走好景篷窗相待久望窮寒水竹迴環  
洗出青山艫前後牧童自驅黃犢回漁郎正放鷓鴣來笠檐蓑  
袂盡鄰舍對江幾扇柴門開丹青未見今見此水外是山山外

有味齋詩集卷二

水客到先愁無路通鷗飛但見和雲起雲中雨歇山出泉蜿蜒  
千丈樹杪懸雷車行空合衆籟雪瀑過眼飄虛煙此時憶殺嚴  
先生羊裘孤擁寒不輕我欲松門一杯酌苔荒路滑無人行傳  
聞名利人不泊釣臺下扁舟獨縱橫問我胡爲者玉壺買春雨  
堪賞尺半白魚新出網飲酣抱甕卧船頭聽得舟人齊拍掌數  
枝柔艫割玻璃百幅蒲帆眼底齊夕照乍明風亦轉行行一路  
畫眉啼

嚴州

不斷雲春樹頂鳴眼前催卸片帆明寒生側側羊裘薄風動蕭  
蕭釣竹輕塔影迎人趨晚渡灘光送雨入春城荒臺草滿千年  
後誰與江山作主盟

春草四首

東風吹轉燒痕蘇陌上青青半有無十日雨晴熏蛺蝶一江水  
暖長蘼蕪淒淒迷如夢如煙裏晚晚飛花飛絮俱多少鷓鴣啼處  
客年年腸斷洞庭湖

高接林巒低水濱遠同點黛近成茵但尋門巷渾無路豈爲天  
涯減卻春雲北至今青冢在江南相望綠波新萋萋送別先愁  
我不獨江淹是恨人

萬種無名各自芳不關秋到也蒼涼酒杯寂寞澆寒食燕子徘徊  
認夕陽一徑牛羊風笛亂六朝金粉砌臺荒分明恨碧消難  
得斷鏃猶埋古戰場

夢醒池塘幽鳥鳴滿簾春色映新晴青袍似我休相妬白髮如  
渠亦易生楚客工吟遺佩在王孫不見暮雲橫憑誰寫向闌干  
曲一半煙痕畫不成

有正齋詩集卷三

二

贈王擬園明府

廷勳

離家三百里來與山水期建德非吾土孟公語何悲我感故人  
意不惜行李羈東軒爲下榻西舍爲治炊令子未弱冠佩玉有  
容儀一甥如舅長早能讀舅詩樹木已長成不用相扶持君於  
聽訟下時一來街扈君官亦自貧我貧特甚之相與話蹤跡酒  
消無畢詞君才有根柢我學徒毛皮讀書我已晚讀律我豈知  
然知有赤子所當愼鞭笞嚴陵好山水不能療寒飢以我飢寒  
故彌爲當境思山田歲苦瘠公家賦易虧桑柘見尙稀無蠶安  
得絲牛刀付庖丁宰之視所宜聞君到縣日人頌慈惠師其名  
不易副其實亦易爲但甘催科拙要以文學治清風吹廣袖寧  
有丞尉疑白日照公庭寧有胥吏欺此心能慎重民已無瘡痍  
知君自仁愛我語徒獻規春雨昨朝過炊煙動茅茨盈庭草新

長雜樹花更滋堂前罷公事長此鳴琴時堂後讀書聲美哉  
驥曠兒爲吏盡如此此樂不可支

寓齋感懷

瀟灑樓開見畫圖接天煙水晚模糊家從前日夢中到客有一  
星江上孤幽鳥不來春已歇青山無恙骨先癯補脣晞髮精靈  
在我欲雲中拍掌呼

江亭晚眺

一片江煙外荒荒落日寒暝光投隔岸詩思起憑欄花歇風生  
樹人喧月上灘歸途就燈火前渡正漁餐

食筍

掀泥看筍出頓頓食單俱燕子來三月櫻桃共一厨燒豬渾失  
味脫殼倩誰圖幾日南風拂成林尚憶無

江南筍多燕至時  
生俗謂之燕來筍

有正齋詩集卷二

三

棚民謠

古人受百畝死徙無出鄉食德服先疇愛土心自臧棚民爾何  
爲遠適天一方短衣不掩骭泥塗走傍徨亂髮垂兩肩蓬葆吹  
飛揚侏離多閩產荒忽雜楚僮冰霜陶穴墮風雨篋席搗盤據  
山一角苦瘠不苦荒東岡時小麥西谷種雜糧所幸賦稅逃所  
恃臂力剛其居如鹿豕其人卽牛羊筋骨耐辛苦性情實強梁  
此輩驅之可奈何洞善良頗聞黔荆交來往羈苗疆古籍號客  
戶隨身齋室囊淫淫毒霧問慘慘深箐傍顯託結納誠潛探肺  
腑藏親密似兄弟叛換倏鬼俛誘之欲旣中劫以勢甚張作姦  
黨胥吏挾詐欺公堂曉曉訟牘興巧言聽如簧官府持三尺顛  
倒朱墨場政未除害馬風乃行貪狼羣生如草木長養蒙春陽  
胡爲虺蜴生茲獨承其殃噬膚將及髓剜肉動見瘡氣結無由

申隄決終可防從來經濟術寬賴以猛匪治苗勿去莠厥疾藏膏育書生非過計于理道其常是邑雖淳樸亦要懲蠹芒小則憂鬪狼大且患寇攘我朘匪三折君網提一綱清風賴掃滌山色還蒼蒼屬爲民父母豈不樂太康焦頭悔已晚曲突謀毋忘

龍山飛瀑歌

皎如匹練懸長松瞥然飲澗垂孤虹黃華水簾我未見奇哉此景今朝逢人言此山龍所伏我睹蜿蜒疑卽龍山窗看山山色遠幾日對我雲濛濛陰陽氣潤蒸作雨天似有意驅龍公驪珠百斛快傾吐咫尺翻倒鮫人宮晨朝淋漓翠微濕半壁已射朝暎紅雲歸似水入山去水乃化雲浮在空初時一綫界飛白若斷若續高高峰逡巡而下迷處所西峰源伏峰之東峰腰橫截落泉底其上倒覆青芙蓉蒼茫竹栢蔽其下又訝去路何由通

有味齋詩集卷三

四

寒濤迸石山欲雪仙籟滿耳天無風冷洽清似廣長舌浩浩洗我塵勞胸徑思枕流入山去明日好策仙人筇

江上泛舟

理柁寡所營尋煙歷江曲心隨僧磬往迹與漁謳逐風響林際生潮痕沙畔縮當來若爲招屢轉不厭復夏木亦自寒波影蕩空綠天懷亮有企人事幸不蹙淹留習忘疲斜照疑始旭肅肅泉滿聽冥冥峰趁日眷言蘭茝歡古調會須續

聞竹城近遊越中詩以寄之

水雲天與不羈身鼓棹迢迢發興新一鋪常思理醉骨千山獨自走詩人也應嚴瀨懷良侶但到蘭亭及暮春有約歸舟同洎處滿天秋色大江濱

遊天寧寺

風生曲徑晚涼偏，翠合危樓烏鼠穿。偶遇老僧皆白髮，只宜詩  
句問青天。江山過眼鷗同夢，鐘鼓無聲佛坐禪。搜剔殘碑文字  
壞，不知劫火闕何年。

韓蘄王將臺三首

古洞飛泉走白虹，高臺大樹激悲風。徒煩狡兔營三穴，真見將  
軍落半空。鼙鼓聲沉雲壑裏，蟲沙夢雜漆林中。穹碑藉表威名  
重，纔戰封源已勒功。

野血猶腥舊戰場，誰驅此輩肆猖狂。青山亦墮刀兵劫，白骨終  
離花石網。盜賊有時關氣運，英雄無策救危亡。卽看名將中原  
在，已有柴車北走忙。

勳業雲臺記爛如，朝端又上中興書。一星此地先生客，半壁誰  
家老將驢。過耳風雷殊駭世，回頭煙水似留余。清溪賦罷招魂

有珠齋集卷三

五

句猿鳥能來問起居

胥口

遠岫一圭出清江，四面低人家在雲裏深。竹晝簷啼

歸舟載茉莉，珠蘭數種際晚香。氣尤烈以酒賞之

灘光清不已，一帆搖曳之。天晚涼自生，碧雲吹參差。美人渺何  
許，香意宛在茲。依依山水外，慰我長相思。我飲就船頭，月來花  
影移。醉去此何夕，滿篷風露時。

余自嚴江歸聞沈耀菴病劇急往視之，但及一執手而

已哭之以詩

無限淒涼對素琴，曾于賤子託知音。友朋實有家人意，風雨寧  
逾生死心。獨立無端斜照冷，此情千古大江深。但逢峰嶽泉吟  
處，認爾魂歸楓樹林。

湖上看雨

青鞋纔得下琴臺，忽響南山一道雷。雙白鳥邊催陣起，萬荷葉上聽秋來。涼生漁艇人吹笛，醉倚湖光客引杯。眼底菰蒲蕭瑟，易水龍吟激暮天哀。

晚泊湯家埠

落絳煙林夕，蕭疎畫不如。水明雙鷺外，秋冷一星初。船板村家屋，魚乾野客菹。夢聞鸞鶴奏仙路，近桐廬。

江夜

萬峰壁立大江橫，秋色連天露洗清。但覺無船無月載，不知是水是風行。隔汀孤鳥欲同夢，逆浪老魚微有聲。半夜月沉潮又上，漁燈流過蓼花明。

江山船曲四首

有棗齋詩集卷三

六

江山船泊江上頭，江山不隸隸嚴州。土灘灘惡不愁汝官來捉，船愁復愁。

船頭辛苦百丈牽，船梢小婦喚同年。坐客呼舟子曰同年妻，日同年嫂，女曰同年妹。一生嫁娶漁兒女，只有儂家九姓船。

女兒生小貌如花，灑裏青山比髻丫。唱到鴛鴦可憐曲，爭教遊子不思家。

上灘下灘往復來，獨有江流去不回。妾願郎如潮信，準回頭只在子陵臺。

游高峰山登浮圖絕頂

嚴州高峰山即此，高峰與南高峰對。

南峰無此高高峰，而南時就目翠已明。踏葉又幾里，尋崖入深窺。人語窺驚雉，其顛插浮圖深黑。闕奇詭長風吹浩浩，雷雨生足底。直窮最上層，始復見斜晷。懸縮衣裳寒，倒影墮江水。荒波

馳四遠帆葉弄尺咫耳亂鈴鐸鳴目眩闌干倚不知飛鳥外秋色何處止茫茫沙草平渺渺漁歌起子陵不可招參軍今已矣俯仰千載名虛空一彈指突兀兩高臺青山常不死

江岸晚行

雨霽江無煙滿岸秋瑟瑟老翁打魚歸一棹挂殘日

漁父詞

江潮初落山月沉半夜繫船楓樹陰笛裏不知何調苦大魚人立老龍吟

秋感三首

秋氣西來樹木疎登樓極目欲愁予一條江濶明蘆絮九月風高上鯉魚天地蒼茫窮鳥賦寒暄鄭重故人書田園芋栗收應早晝裏青山認舊廬

有味齋詩集卷一

七

西風黃酒一時休聽雨天涯浪遊紅葉黃花催昨日重山復水送孤舟枯形可惜芙蓉晚冷語誰知蟋蟀愁甚欲區區懷抱託隔汀片雪下輕鷗

月落深林琴罷彈美人遙望碧雲端風煙入鬢催成老砧杵同聲送此寒宋玉文章騷體在陶潛心事酒杯寬尋常物理看俱足葉自歸根水下灘

寒曉

夜氣猶未已清寒曉色連籠暈迷霧星月落虛煙客路長亭外江流短夢邊但留霜葉在能表日華鮮

夜觀烏龍山野燒

松門月黑風亂旋山影下覩窗西偏非星而星山之巔幾點初若流螢然升之樹杪紅燈懸俄而不見峰側穿條又見之雷掣

圓一峰突湧亭亭蓮前峰後峰跼連其下一珠龍抱眠烏龍  
不烏光蜿蜒赤龍衙衙欲上天是何草木當楮鞭百蟲將軍界  
爾權爾生爾殺爾自專象以齒焚爾膏煎蕉夢不醒秋墳邊哀  
哉牧火遺荒阡禍并玉石成灰煙我惜山黛蛾眉妍使彼濯濯  
誠何愆有酒欲撰術不仙安得倒挽山下泉女丁婦壬驅爾輶  
遊山明日衣同褰

待雪

辛苦田家爲麥祈漸催寒信到山扉有時作暝籠深霧忽地穿  
雲漏夕暉巷裏豹聲羣犬吠林梢墨點萬鴉圍朝來要聽兒童  
報開徧梅花樹樹肥

聽雪

窗櫺緊護不教看作片成團撲紙乾大蟹時聞行郭索此君誰  
與報平安瓊瑤欲碎黃昏急鵝鶴無譁白戰難折葦蕭蘆應念  
到有人江上一篷寒

掃雪

曲昔山童似畫灰先開竹徑後松隈一條乍可通幽屐幾點重  
看糝綠苔落落難尋泥爪印團團只傍樹根堆不知滑澆深山  
裏多少樵人沒計來

煮雪

天上仙人重玉花人間相配有團茶絕無煙火隣袁徑但說羊  
羔笑竅家蠅凍尙能吟鼎竅雀飢亦愛啄檐牙一般風味消殘  
臘香放黃梅屋外斜

余將歸杭擬園爲畫山水贈別詩以報之

一番別意託斜曛贈我情如我欲云小雪年時愁作客青山畫



裏夢因君折梅有約憑春信煮酒重邀話夜分明發扁舟江上  
望應添水墨寫歸雲

自嚴州歸錢唐舟行濡滯獲覽山水之勝凡六日得六  
百言

夙稟麋鹿姿叨竊山水福窳篷低打頭芒屨緊縛足談笑狎滄  
溟攀躋輕嶽麓今年巖陵遊熊魚恣我欲猶留未了緣取快歸  
途目戀情遞送迎灘勢互回復人家重漁釣生理資畜牧鳥曙  
夢辭林猿夕聲流水夷猶信所往遲速豈煩卜不羨風七里請  
緩帆一幅昔聞井西翁于茲架茅屋浮嵐與煥翠書格胸內熟  
元胎剖氤氳精氣瀉淋漓佳時卧遊觀到此真本讀迢迢富春  
渚覽古緬芳躅東西兩高臺各有白雲宿跡甘寂寞守情因慷  
慨觸無端泉石區亦入興亡局焯焯赤伏符慘慘冬青曲時來

有棗齋詩集卷一

九

雷雨奮運去魚龍撼大澤羊裘容柴市黃冠戮高懸釣竿綸碎  
擊如意竹此爲客星隱彼乃義士哭天地名並垂江山幸無辱  
人生求不朽豈慮年壽促從來神仙侶貴以名節最前途訪桐  
君云是彭佺屬延齡無金丹救世有藥錄我生織世累遑敢慕  
辟穀願得多識字醫使骨不俗秘洞何人書蟲鳥篆巖腹夜深  
縛炬照鷺起白蝙蝠捫之鍾乳凝冷極不可掬天雞俄發唱林  
端上初旭不見仙人廬還訪幽人築一第賜已遲三拜禮殊樸  
時有吟聲留和以松謾謾回頭屢傾聽轉眼旋收矚柴埠數百  
家土地占豐沃炊煙接冥冥稻把堆簇簇頗聞野人語時清少  
鞭朴前日還官租今朝飽粟隣舍通歎洽婦子習敦睦田家  
無別離歲晚理膏沐門前對遠山依樣畫蛾綠山花畧安髻棉  
布潤裁服提攜樂兒女畏飼愛雞鶩默令羈旅人此意憾幽獨

吁嗟遠遊賦豈是幼而學善走逐駢蹄高飛企黃鶴醜雞守窶  
天不肯自踈踈明朝到富陽重向石尤祝遲留傾老瓦醉聽赤  
亭瀑陰陽異衰旺冬暖水不縮猶見羅刹潮餘勢極排蹴直待  
嚴灘回波瀾始一束腰脚貴及時努力凌晨著鞭期祖生破  
浪約宗慈千里忘險夷萬象歸蘊蓄行當春水生浩蕩白鷗浴  
庚寅春再赴嚴江同舍弟勅麟舟中作

聽風兼聽水三度上江船遠樹霽寒雪一帆明月煙人耽高隱  
地山媚早春天正擁羊裘卧嵐光墜我前

好句忽飛到與吟惟子由江山如昨夢兄弟此扁舟野水爭灘  
上閒雲爲竹留他年翦燈話毋忘富春遊

東湖曲二首

妾家東湖住湖水引相思流入西湖去回頭得幾時

右東齋叢書卷二

十

湖中新種藕紅白盡開花采采得蓮子勸郎休取茶

子陵魚

更比銀魚小來逢五月時上灘爭一兩出網罟千絲七箸情何  
忍煙波味可知高名肯相借釣竹莫輕垂

午日江上

炊黍光陰感易生寥寥酒客一舟輕魚龍落日空江氣草木駢  
人萬古情纒岸野蒲新長葉隔灘花鴨自呼名年年兒女橫塘  
會滿耳漁歌夢不成

讀詩經七首

元音肇皇墳密藻振姬代篇什三千多孔筆刪疵類薪傳大小  
毛紬繹發其昧鄭孔亦功臣揚剡闡前載采擷山海華辨晰蟲  
魚碎後來考亭傳乃出弟子輩奇衿廣疑問鹿洞語斯在何至

鄭衛辭專取淫奔穢無邪本詩教序義不可廢

忠厚王業開文武道不變周召以爲臣元氣挾之徧蔽芾樹不伐碩膚貌如見二南始基之篇末有餘眷風以周公終雅以召

晏殿

楊柳送征夫雨雪猶未歸北山歌采芑南山歌采薇三復東山篇入人情最微行人在天涯那不思其妃婦歎不可知宛然聞歔歔千秋杜陵老此語稱庶幾懷哉新婚別三見倉庚飛

我讀田園詩淵明信無匹下而及儲王言語亦樸實要其所本來風雅提一律稼穡萬萬古耕種無異術盤中一日餐辛苦所自出幽風七月陳祖德生民述農事以開基所重民之質

詩亡春秋作我思孟氏言株林與候人豈在平王前古惟南雅頌用以被管絃列國自爲風無當金石宣東遷涉西望筍簾生

有美齋詩卷二

七

寒煙音官不遠雅體製嗟誰傳樂亡詩乃亡王迹斯蕩然榛苓竟何慕傷心黍離篇

周南取喬木江漢化所被維楚實有材屈宋斯繼起蘭旌懷美人薜衣狀山鬼擗華涉荒幻託體自頌始入廟見辟王龍旂望至止觀其求厥章要卽索祭是搜奇晤古懷寫怨緬秋士騷人今不見讀詩會微旨

吾家老著作

家文庵叔祖

羽齡授我詩穿穴箋與傳說之解我願憶當

盛夏交灌木鳴黃離微微葛粉坼向我衣裳吹我時不解吟亦復微會之江湖閱歷久十五載于茲我猶青其衿公已白其鬢轅固年五十弟子著于時如我悠悠者空習詩人詞潤色吾不敢說益聞之師

同景笠人

大本

暨舍弟

錫麟

登臨江亭作

渺然葭菼助秋清  
盡洗雲煙放眼明  
遠嶺只如空翠合  
涼潮多向夕陽生  
幾家漁舍同依樹  
一路樵歌唱入城  
後約江湖情不淺  
扁舟重待白鷗迎

桐廬晚泊

不覺風帆遠吹來  
就此林亂山餘夕  
照野水有秋心  
聞道桐君去于今  
苔徑深無由相問訊  
獨對白雲吟

韜光庵

峰頭迷竹色  
天上落泉聲  
直闖雲煙入  
如聞風雨生  
到門無鳥語  
采藥見僧行  
忽豁登高目  
江湖夕照明

靈隱道中

一峰高處白雲低  
人到雲中路已迷  
衣上不禁秋色冷  
猿聲啼過夕陽西

有粟齋詩集卷二

十一

秋闈報罷仍至嚴江諸同好賦詩送別舟中感懷寄會四首

寂寞孤舟上瀨時  
一燈重讀故人詩  
郵程細雨和愁織  
水枕新寒祇夢知  
潮到回頭隨岸曲  
帆當轉脚怕風欹  
傷心同作悲秋客  
可奈天涯更別離

霜信寒催一雁鳴  
稻粱辛苦感吾生  
且拋席帽看山色  
已悟寬裳是水聲  
可惜此來紅葉落  
所思不見大江橫  
平生出岫心原嬾  
但乞閒雲作伴行

洗濯塵纓向水涯  
鷓鴣港口數峰斜  
樵人斧爛收殘奕  
漁子船歸廢落花  
莫倚竹弓能射鴨  
且思草屨學撈緞  
阻風中酒何曾費  
強自題詩畱晚霞

一樣斜陽下學天  
堆盤不菜憶從前  
與鷗同白依然我  
此鬢能

青更幾年楊柳蕭疎臨水驛琵琶憔悴渡江船鯉魚今日將書  
去流到尊邊定黯然

舟行阻風信宿江上三首

天際檣帆若薺浮艱難始信上灘舟素波嫋嫋秋如此不是蘆  
花也白頭

江上村村遠水明西風兩日滯行程肯留人在巖灘住不信青  
山不世情

可是江空月落時客愁多在枕邊知聽風聽水難禁得更聽舟  
人唱竹枝

釣臺謁嚴子陵祠

肥遯先生志祠堂重此州一星終古客落日大江流帝業推銅  
馬閒身狎野鷗誰傳男子在徒杠故人求幣乃同湯聘竿終笑

有味齋詩集卷二

七

呂投功名輕驥足風雨老羊裘癡甚貽書霸狂哉洗耳由耦耕  
仙侶共立傳逸民收我亦聞風起因來繫榜遊蒼蒼迷萬壑咄  
咄感千秋大樹凋名將雲臺失列侯讖誰陳赤伏亭已圯無莫  
白髮看遺像青山剩故坵幾傳綿子姓七里聚漁謳頑懦猶能  
激孤高不可儔惟應竹如意遺響咎峰頭

江上雜詩五首

灣頭小艇竹篙撐兩岸行人喚渡聲著箇烏犍浮水去牧兒橫  
坐看潮生

湍急灘鳴過釣臺臨江幾戶竹扉開楓人老作垂綸長一樹紅  
衣入畫來

東臺西臺上下古漁家笛家左右鄰鳥下如聞樹頭雨風吹忽  
見蘆中人

山重水複去帆遲人道瀧中勝武夷一日九迴重又曲拚教搖  
到斷腸時

暮煙孤驛樹濛濛滴碎愁心雨一篷昨夜停舟看明月回頭只  
在亂山中

遊澄溪道院

日日對山色不知山中幽霜落風意晴遂果茲山遊深林綠相  
蔽尺許松甯修裂石走飛雨春溪激回流丹梯進百級步出雲  
上頭雲深不見雲合沓羣峰秋秋又數峰外日落天悠悠道人  
采藥回見客殷勤留雙扉開竹裏竹紗茶煙浮清響接猿梵膜  
光動樵謳豈無煙霞戀惜未襍被謀蔬菓既飽德僕夫俟前邱

祖師庵

鐘聲徐聞絕頂招翠微高可通青霄泉穿竹下峰千尺雲與人

有正齋詩集卷三

古

爭路一條敢以瘦羊疑古佛直將飛鳥視歸樵紛紛紅葉前溪

暗大半斜陽沒嶺腰

晚渡

一鳥入寒色數峰斜照餘江船來橘柚人影雜漁落木悲秋  
氣浮雲念故居茫茫當渡立薄暮最愁予

空栢渡遇雪

孤帆若無依飄飄就寒浦豈有行役勞及茲感凄苦冥冥林氣  
蕭凍結石棧古積陰如趁人慘異變亭午疎聲表初雪繁纒雜  
飛雨叢蘆易蕭條豐蔕極掀舞來檣雲際辨去鳥煙外數棲止  
難預謀捷徑爾何取牽蘿懷美人會見茅茨補

雪中經子陵釣臺

潛安非衆希清氣快獨得千山皓無際留此太古色川迴蹄屐

延崖轉寒逾道洞戶呀然開孤篷落共側客星中夜耀羊裘幾  
人識煙波耦神仙巖壑當寢食恍見白鳳騎因之遊八極

鵝港

云云響灘水颯颯吹谿風悄合雲四圍冷盪雪一篷微煙孤鳥  
絕溥與羣山空粉墨寫蕭瑟畫本非人工對江三五家閉戶多  
漁翁磯頭凍密閉屋裏香醪豐歲晚野人樂旅泊行路窮稻梁  
爾安否飢雁吾其同

桐廬道中寒雪初晴月色皎潔

扁舟屢沿轉不厭風水聽况茲雪霽佳片月林外醒寒姿結窈  
窕幽壑穿瓏玲雲歸微素合波往虛光停明明帆弄葉晶晶  
開屏身在衆山中不知山色青巖端發清磬潭底搖疎星桐君  
爾何人寂寞仙屐屨攜鋤采藥去歸來已千齡幽夢永今夕雞

唱天冥冥

長山隴復雪

朝發新城港午達長山隴風高破帆張寒勁孤衾擁掉尾逞玉  
龍悠揚賈餘勇妻音爬沙續密勢折竹重隱隱辨杉杉漫漫失  
畦壠今年見三白此地宜首種俗名天麥地人須飯瓮儲我亦詩肩聳  
繫痕沒溪橋去躡樵夫跡

泊富陽郭外遙望赤亭諸山

江上雪初罷悄然人意孤炊煙認遙郭野水停征臚流聲噉猿  
急息影歸鳥遁自憐歲寒心日暮猶江湖羈愁夢餘積素賞塵  
外殊天光徹上下嵐氣游虛無緬懷赤松跡宛對藍田圖佳人  
若爲招薛蘿思故吾曾看三徑埽莫惜田園蕪

有正味齋詩集卷二終

有正味齋詩集卷三目錄

錢塘 吳錫麒 聖徵

翁羽齋集

尋春

泛舟出東新關至阜亭看梅

繇金家堰步至崇先寺

悟空禪院小憩遂抵伏虎院

桐塢

月明庵

綠陰

同黃相圃模姚春漪思勳黃玉階某泛舟至丁家山觀

荷值雨四首

有正味齋詩集卷三目錄

岳忠武王墓

三竺道中

西湖感懷

吳山秋眺

繭橋

葛嶺二首

湖上晚歸

雲居聖水寺

艮山野望同杭堇浦先生世發倪丈嘉樹一擊何春潛

珙黃相圃姚春漪黃玉階倪小迂孫竹虛錫分韻

讀明史十首

孤山探梅



渡湖至金沙港

遊韜光坐金蓮池上

下天竺寺後尋三生石

晚過集慶寺循普福而歸

錢武肅王祠

癸巳正月十三日黃相圃招同人游祥符寺用東坡九

曲觀燈詩韻

舍弟

錫麟

將有山西之役感今追昔愴然于懷成排律

一百六十韻

食蟹二十四韻

登六和塔

橫山道中

有虞齋叢書卷三目錄

送胡竹城渡江

聞雁

棲霞嶺

正月七日同黃相圃岫雲上人過昭慶僧舍與家西林

先生頴芳茶話

觀燈行同沈梅村

赤然作

丁家山觀桃花同項蓮峰

朝棻作

清明

百步塘水月老人故居

并序

同黃相圃星橋昆季渡湖游慈雲嶺登鳳凰山絕頂尋

御教場故址下山經月巖值雨至勝果寺小憩復游

梵天講寺訪靈鰓井及錢王雙石幢際晚冒雨而歸

有正齋得詩四首

謝友人送蠟梅

錢塘 具錫麒 聖徵

翁答胡竹城

尋春

蓬蓬潭不遠，益益竟難名。酒熟花初發，天晴草亂生。何來南浦  
恨不盡夕陽，情破得青山。空流鶯又一聲。

泛舟出東郊關至翠亭看梅

春風吹颺聲搖曳，在樹際湖游從。迴波謀野棹，新霽柳條綠已  
舒。草脚青尚細，微微粉粉雪。船出山影前，村樹逾深遠。植世  
後，翳徐開鏡，翠相照。結冰欲飲，人衣骨語熟。戶大寺門，門三兩  
疑花身。

有味齋詩集卷三目錄

三

附雅

樓震訊

正月七日同諸君游湖，雲上人過，昭慶僧舍與家西林

先生訪芳茶話

觀慈行同沈梅村赤然作

丁家山觀桃花同項蓮峰謝夢作

清明

百步界水月老人故居并序

同答賈汝楫昆季渡湖游慈雲嶺登鳳凰山絕頂

臨文人致鮑謙山經月巖值雨至勝果寺小憩復

林皆滿四首登雙井及錢玉雙石幢際脫胃雨而

有正味齋詩集卷三

錢塘 吳錫麒 聖徵

翁羽齋集

尋春

蓬蓬渾不遠，益益竟難名。酒熟花初發，天晴草亂生。何來南浦恨，不盡夕陽情。破得青山笑，流鶯又一聲。

泛舟出東新關至臯亭看梅

春風吹艣聲，搖曳在烟際。溯游從迴波，謀野獲新霽。柳條綠已舒，草脚青尚細。微微贖松雪，稍稍出山髻。前村暝逾深，遠樹明復翳。徐聞鐘磬招，願結瓶鉢契。人來僧語熟，月大寺門閉。三匝繞花身，讚以妙香偈。

絲金家堰步至崇先寺

有疎齋集卷三

山曉意較寒，竹風助蕭蕭。青帘隱茅屋，沽酒人過橋。野氣散氤氳，隴畔麥已苗。流泉出花裏，漠漠香暗漂。循溪路屢轉，寓目春漸饒。塵跡感初構，寺為宋顯仁皇帝太后功德院物情榮故條。窓前何年樹，白雲吹不消。茗椀坐其下，其上橫山椒。

悟空禪院小憩遂抵伏虎院

策屨快斯遊，登頓不辭憊。天冷汗已揮，松風吹一快。翠羽無喧聲，悄然入香界。羣花矜玉照，光滿路為隘。愈上愈出，可晴空萬梢。畫雲邊禮塔，還塔還鳴泉。答幽話山君，馴不擾梅祖。老當拜皇亭稱就佛，問燈傳吟詩。破禪械，斜陽轉花陰。色比衲衣壞。

義庵始居人謂之梅祖

桐塢

長松入雲裏，見雲不見松。直出松頂上，雪又迷數峰。遊臯梅檀香，過耳闌黎鐘。禪樓據沃壤，花氣諸天濃。冥冥宿霧并，習習微

風從鱗甲忽搖動身疑驂玉龍

月明庵

暝色起峰頂花枝亦生寒遙空湛虛白疑是山月殘踏影入寺門書格橫石闌一僧輟誦經邀我坐蒲團風泉肅清聽雲水資靜觀拈花開笑口彌勒能同歡心遠翫物閒候謝挽景難重遊約黃筓空林響梅丸

綠陰

雨絲吹過晝生寒一徑陰陰鎖石闌濃淡似兼烟翠活淒迷不待夕陽殘時聞墜果當堦響略逗餘花借客看惆悵年年秋色裏馬蹄踏碎葉聲乾

同黃相圃

姚春漪

思對

黃玉階

基

泛舟至丁家山觀

荷值雨四首

有疾齋集卷三

二

柳風吹縹碧琉璃湖口濛濛雨腳垂涼殺風標兩公子荷花十里洗頭時

雲影烟光望裏過風裳水佩渺如何忽翻高柳三升墨不是催詩雨亦多

跳珠傾瀉綠盤中水葉香搖面面風寬著荷心最清苦一枝已卸可憐紅

羣峰如畫照船頭歸去閒雲白似鷗波面萬荷喧已定夕陽無語一蟬秋

岳忠武王墓

目極中原地英雄萬古歎長城先自壞半壁竟偷安少保威名重平生忠孝殫君王甘屈膝臣子願披肝克敵除飛到論兵撼岳難義旗天半卓匹馬陣中盤唾手燕雲復迎軍父老歡功將

俾郭合魂已落曹瞞姦相方持柄書生解叩鞍金牌齊一哭玉  
帳罷諸團未洗青衣辱翻教碧血寒獄成三字慘人贖百身粉  
如此風波惡于今墓草乾吟詩辭激烈弔古淚洩瀾雪窖春無  
色刀環夢早殘中興殊藉藉北望總漫漫箕尾咸悲趙湖山又  
罷韓老成驚共逝大節要同完日照中天白心留舊史丹關河  
經百戰風雨有餘酸石鶴迷華表銀瓶墜并榦南枝吹不轉遺  
恨滿林綠

三竺道中

白雲高臥無人行清秋已清天更清投林看下山鳥影曳杖去  
尋田水聲偶穿松過忘九里喜與石遇談三生隔溪幽唱近復  
遠牛背牧兒孤笛橫

西湖感懷

有集齋集卷三

三

雲烟黯黯樹冥冥歸鴉爛熳螢故國可憐天水碧好山依  
舊佛頭青風前秋色紛搖落眼底遯頭雜醉醒聽罷權歌人已  
去不知何處采芳馨

吳山秋眺

身在斜陽外西風望眼醒潮飛千里白煙寫萬家青入畫楓圍  
岸懷人雁滿汀江湖正秋色落葉不堪聽

藕橋

山色阜亭一桁浮林梢空翠落船頭橋通小市響流水竹遶數  
家生遠秋入饌頗饒鰕菜美輪公不少藕絲投相婆街裏斜陽  
滿寫得丹青幾許愁戴文進在藕橋相婆街

葛嶺二首

松竹叢中一杖支行盤石磴到荒祠青山蝴蝶飄仙蛻丹竈蟾

蝾養肉芝作令要求勾漏好移家曾畫鮑姑隨飛泉落處生風  
雨恐是龍歸古洞時

絕壁蒼茫石氣青舊時師相盛園亭圖書小押壺盧印韜略高  
談蟋蟀經白雁風來秋易冷襄城礮打夢難醒可憐徹夜笙歌  
樂換得杭州曲子聽

湖上晚歸

一杵鐘聲晚寺催游船齊自斷橋回幾家傍水門初掩漁火生  
時月未來

雲居聖水寺

聖水宋已名雲居逮元建合并始何年證之失僧券一門別宗  
支二義了漸頓人語出濃青愈老松愈健寒光吹作雨頗訝老  
龍噤憑高望江湖萬象納方寸斜陽山更山一一牖中獻和雲

有玉齋集卷三

四

坐蒲團就磬飽香飯禪師期後約欲發梅花願詩懶中峰酬母  
笑宿根鈍

艮山野望同枕董浦先生

世襲

倪丈嘉樹

一筆何春濬

其

黃相圃姚春漪黃玉階倪小迂孫竹虛

錫分韻

背郭山影低蒼蒼凍雲臥梯苔徑可覓踏葉寒乍破社宇有神  
棲樵歌無鳥和疎林抱沙河一支瀉其左煙荒畝草歇日落水  
風大幾家閒閉門公事了漁課觀逝感歲遷翫物惜羽過肅然  
聞松聲蒼鼠竄幾箇

讀明史十首

宛同泗上起真人一劍能收無道秦故里風雲竇上將新朝禮  
樂定儒臣屏藩廣樹心原悔厥衛前知戒早申太息韓彭誅戮  
慘也教末造累黃巾

金川門外燕高飛三讓安能掩是非孺子幾曾煩赤鳥先生竟  
使殉麻衣抄同瓜蔓人何罪萌自椒聊禍有幾元武若知終喋  
血早應神策正東闈

一擲沙場萬乘輕蒙塵大難起親征立君辛賴餘孫議返國翻  
讐叔武迎史上幾人疑燭影殿中半夜起鐘聲朝衣西市功臣  
戮榆塞招魂正議旌

闖逆纔除又義兒豹房稀幸漸邊陲主甘魚服危寧悔臣犯龍  
鱗死不辭西內久應消礙火南巡無復見旌旗風流郭杜張公  
子地下應嗟把臂遲

引上神霄路渺漫京攸異代接朝端忠臣肯死輕蛇膽方士難  
生諱馬肝丹藥荒唐求上壽青詞絡繹致高官蟲沙莽莽邊關  
苦鸞鶴虛聞下醮壇

有珠齋集卷三

五

雲端閭闔閉沉沉陰壑磨牙虎豹吟名溷黨碑人玷石利窮曠  
稅戶淘金釀成蠱氣憂何迫悔到輪臺禍已深相業江陵前日  
事幾人末路格君心

宮鄰構禍起恩私委鬼茄花柄共持史縱能言聲亦淚天何此  
醉問難知衣冠慘酷同文獄市井喧呼博浪椎七等爰書重論  
定羣公碧血化多時

驚聞帝座掩屋芒氣運安能挽彼蒼羣下諸公皆肉食眼前羣  
盜太鴟張傷心有淚留遺詔披髮無聲叫大荒死節紛紛酬養  
士不堪野老話滄桑

殘山賸水畫圖描錦繡牙旗意氣驕豈念金人辭北闕徒聞玉  
樹唱南朝羊頭儘許侯封博蝸角猶難黨禍消淚盡孤臣遺翰  
在梅花嶺上夜魂招

興亡歷歷炳前符史冊如陳帝鑑圖水火外朝轟穴蟻風雷  
寺肆城狐治分開寶機原捷世數桓靈運早徂一樣匡山波浪  
裏幾人不負趙家孤

孤山探梅

曳杖逋仙墓下來茫茫古意滿蒼苔斷雲閒伴鶴無語深雪不  
知花已開山好祇今憐寂寞影疎令我益徘徊裏湖多少春風  
樹未及詩人此地栽

渡湖至金沙港

理榜邊湖澹曉色破漁歌清遊踐宿諸雲姿發高妙申心述去  
歎矯首接來眺秋光肅空潭林氣表初曜波靜無停煙沙明有  
遠照眷彼塞香情復此采菱調行行出菰蘆隔渡數峰峭

遊韜光坐金蓮池上

有葉齋翼奎

六

躋險尋僧寮梯空健遊屣連山生夕陰竹翠涼十里江光乍西  
迴嵐影忽東徙睇遠識因依窮高緬積累習覽居士詩妙語破  
禪髓疎疎葛坼香裊裊藤抽紫空色寓煙蘿澄心悅花水欲果  
獨往言逢巢會棲止

下天竺寺後尋三生石

下山路曲盤斜照滿苔迹歸然見雲根云是三生石三生夢迢  
迢一水愁脈脈瑤華空自好明月易爲夕竹枝歌已殘何處駐  
精魄問石石不言相思積遙碧

晚過集慶寺循普福而歸

暮天澹霞氣古徑吹陰煙披蘿識禪關踏草悲荒阡雲來展寒  
帔花落飛遺鈿漆燈照香蛻夜伴狐狸眠南望十二陵冬青鬱  
芊芊逢時顏色媚感往山河遷淒吟谷遙吹哀響生流泉興盡



歸亦得頽陽已山巔

錢武肅王祠

憶昔披遺像家聲溯五傳  
車來瞻廟貌明德表千年  
功業垂諸史英雄敵自天  
占星牛斗應賢鏡冕旒懸  
兵劫悲黃胥君身現白蓮  
出奇堪決勝橫槊卽摧堅  
妖鳥終淪滅神龍信蜿蜒  
甘寧雄騎吹王濬下樓船  
夜月吞沙出西風唱凱還  
椎牛歡父老衣錦豔神仙  
世兆金戈盛動憑鐵券  
鑄朝廷尊尚父賓客聚名賢  
我亦承餘澤因之採舊編  
詩書見文采戶口想殷闈  
霞接三樓外霜寒一劍邊  
東南資保障亭堠不烽煙  
海國爭輸賁江湖亦避弦  
民心能共樂臣節在無愆  
報績常存祀褒忠特賜田  
祠堂高入漢交筆大于椽  
慨念雄圖遠勤思警枕圓  
野花開陌上銅彈拾階前  
山水清如此風雲氣颯然  
還鄉歌可譜將享奏神絃

有虞齋集卷三

七

癸巳正月十三日黃相圃招同人游祥符寺用東坡九

曲觀燈詩韻

門外走橋人逐伴  
幘前訪古客誰邀  
僧將十寶誇斯地  
我亦千金視此宵  
齋院惜無燈  
火照蓮臺尙剩劫  
灰焦坡仙去後繁華盡  
詩鬢翻愁雪不消

舍弟

錫麟

將有山西之役感今追昔愴然于懷成排律

一百六十韻

東南飛孔雀西北有高樓  
予季嗟行役吾身亦浪浮  
別離殊慘慘道路况悠悠  
躑躅增新感徘徊敷舊遊  
十年徒齒長一席共蒙求  
就傳欽盧植子與弟同享齊名愧薛收  
心交盟晦雨笑伴別薰蕕  
居本青桐巷門通白水溝  
穿籬添苦笋種樹得甘榴  
窄袖裁文錦單衣試綠構  
童心魚逐隊兒戲馬離鞦  
鬪草尋迷迭攜柑

聽鷓鴣蠟珠沾作鳳棘刺幻成猴楮學層層刻冰教片片鏤家  
駒爭貴識凡鳥息啣啣如我宜安拙于時又孰尤涕零三獻璞  
氣奪萬人散桂碧難攀影愧黃慣灑愁妄期風足足安問鹿呦  
呦不信花翻樣頻令矢脫鏃黠徒勞鯉額蓄自乏牛溲退避逢  
秦舍歔歔泣楚囚危巢歸晚燕濁水老沉醜歲月空磨鐵功名  
底附疣幾番煩慰藉何處足夷猶蓉岸停文鷓楓亭搯紫驪塔  
頽稱慶忌祠古訪錢鏐兩水環衣帶羣峰秀冕旒湖光望超忽  
蟻唱極啞嘔紅樹干林畫青帘一幅秋魚羹銀蠅蝶酒乳玉蟬  
呼拇分朋暗送闌眼花嗤醉賀口辯數談鄒羅綺當筵合箏瑟  
信手撈柳枝翻曲子水調換歌頭絳樹雙聲度霓裳一段偷有  
時尋邃譜每愛答漁謳昨歲嚴陵路春風上瀨舟篷窗借襟破

有正味齋詩集卷三

八

驛堠聽鳴杼竹色飛青雨潮聲捲白漚浮生幾蠟屐陳迹兩沙  
鷗謝客荒亭劔先生大澤裘悲歌餘恨鳥風物媚潛虬泉石茲  
堪賞衙齋到亦幽主人王儉府王攝國明府賓客景差儔謂身笠人良吏無

如惠斯民喜不媮篠驂迎郭伋桑雉樂中牟寒近人添務時和  
婦采芣鳴琴消白晝聽鼓擁黃紬玉雪看賢子文章父老謀

時聞鯉庭對豈有楚人欸一榻青苔冷頻年絳帳留爲師余有  
愧結好汝相投粉墨供拈弄江山互唱酬催詩敲梵鉢分火煖  
衣篝飯煮馨牙稻茶烹兔褐甌木瓜思荅語鳴鳥自搜速敬業  
交爲益論心兩不虞友懷非泛泛客鬢太彭彭世網難終緹心  
輪易轉輒本殊落木雀肯作寄巢鳩小住爲佳耳當歸合去休  
還家仍屢空賣字只輕售莫問東方米難樵翁子椒塵將生飯  
甌慾不到乾餼涸轍求升勺餘儲少豆區居常共蝸舍眠卽合

蛟螭計屈于房，蠹心窮五技，螻蛄途多坎，塤渴病念懼，去年冬

配藥延榆柎，驅疴詠鬪，馱弓將懸影，解筓可刮膜，瘰縱使全肌，市病瘰

肉從誰覓，脯修艱難，勞祖父涉歷，向亭郵，雨艦移春渚，晴帆轉

越州，半生經古道，垂老客諸侯，菽水歡難得，盤匪捧亦羞，寸衷

藏耿耿，往事抱慟慟，先世承儒素，家居絕謗訛，忠生巢自幕，凶

甚壯于頄，月黑驚魑魅，雲寒喚鷓鴣，刑書能刻骨，曹吏只爭賊

餅市孤三尺，楊根土一坏，弁山圍兀兀，茗水繞洩液，藉有遺株

在，重依徑寸麻，鞞裳逃薛荔，逸足出罝罽，糠覈存殘喘，瓜壺理

故邱，漸能成戶口，從此衍支流，近代錢塘住，方冬享祀修路經

榷水驛，船泊仲家兜，蔓草莖猶綠，絲衣色總紉，同來澆麥飯，相

與認松楸，風雨廬堪蔽，冰霜木有樛，高曾遺耒耜，孫子問田疇

夙願從南畝，行歌答野叟，桑梯隨樹靠，秧水趁鋤耰，葦箔看行

有朱鸞集卷

蟻蓑衣去飯牛，迎貓因食鼠，焚鞠爲除蝨，稜稜收薑芋，滕滕刈

麥，甍淳心安布帛，奢願祝甌窶，家可無離別人，寧有競練躬耕

良足樂，識字始爲憂，銳志蒼懸蠹，雄心樹撼蜂，故人多戴笠，空

谷罕鳴騶，鮫客矜珠泣，金夫恥瓦掘，賤思邀貴賞，寡欲藉多哀

殘夢迷蕉鹿，游辭譽盾矛，目幾迷步障，音未悟筵篔，每謂株難

守，何時橙可傾，海風鵬翅擘，塞草馬蹄蹂，甘謝磨人墨，翻勞引

箭，疆相逢誰說項，此去本依劉，潯州劉太守序正當寒食時，方過孟陬

水平挑菜渚，香動賣花箋，桃髻窺牆亞，楊絲跪地柔，曉禽泥滑

滑，薪火燭焮焮，偏促行裝早，難憑好景勾，載驅誠鹵莽，所往幸

莊，馘汾曲其民，儉河東厥草，燕雁門通朔，漠參次接奎，婁九曲

羊腸，坂千尋，龍子湫谷名，仍雀鼠，關勢足，貔貅兵甲時，無警風

雲氣，特道寒刻響，鈴鐸落日急，箴箴處處田，宜火行行野，有丸

衣裝藤製笈劍具荆爲綵險隘宜停騎波濤慎駕艤催愁輪  
轆話恨鳥鈎斬未習風塵慣先經雨雪瀟客程情黯黯村店臥  
駒駒撥火鑪無脚開餐匕有球倦童偃土銖疲馬戀樓窺夕宿  
星搖穗晨征月挂毬晉祠應到矣風峪可經不莫厭藤蘿密煩  
將金石搜經幢參梵夾譯字辨靛鞞相里求遺老沙陀問種酋  
山川唐與晉著錄趙還歐過眼資淹雅當前費討蒐所貪無寶  
貨卽此是琳球古蹟關興廢長途逗遛才方需李石榻久待  
周璆定有投膠合應勞借箸籌疎中折鳥角香幕捲青油道匪  
逢時貴人期不我靚獨憐當渡樹望極倚閭眸廿憶羞館蜜勤  
思滌厠胸斑衣堆粲粲愉色寫悽悽孝在終身慕恭先一命僕  
能賢眞汝羨有美亦誰併小別情難訴含辛目屢揉平生相友  
愛何日致綢繆芳草吟康樂南山夢子由花開花落緩燕去燕

有果齋集卷三

十

來稠鳳紙徒將意驪歌怕觸喉聯枝悅棠棣接翅豔鴛鴦腸繞  
九回轉詩成四角周雨簾垂寂寂風篠弄颼颼欲網傳書鯉相  
思杜若洲

### 食蟬二十四韻

秋高稻登場露白葦被賺郭索時正肥橫行名不忝戟張待潮  
回甲縮愁霧掩處穴亦善藏輸魁母乃諡江空幾輩出夜靜一  
燈閃爬沙去蕭蕭入齶視睽睽牽蒲利用縛擁斂行就斂沫沾  
箸箸多價入吳市儉活眼茗破煎繁聲松受颺及時俊味登留  
客食單點看燈候尙遲洗手方預檢漉以井華澄蒸之糠火燄  
添香配薑椒佐饌雜菱芡對菊影玲瓏泛酒波瀲灩螯強手慣  
持膏膩指爭染碎紋擘虎斑圓蓋揭鬼臉紅鮮頰蛻珊瑚黑細面  
著麝金瓢取中滿玉質泯內玷大嚼外骨堆細剔佳竟斯分橙

袖觸聲擊鉢韻翻險烹嗤蔡君訛瘡借秦客楸尖團賞各殊糖  
蜜味轉貶談深更屢催客去戶初居援棊寫餘聲月上蛾眉儼  
登六和塔

攝袂振江風攬身上七重鬼神森戶牖雷雨逼虛空大地毫光  
涌諸天鈴語通估帆看不盡吹過海門東

橫山道中

路轉江初盡陂高竹漸饒溪雲飛挾雨山葉走爭樵誓墓文猶  
待誅茅隱孰招但聽行得得策蹇度危橋

送胡竹城渡江

西興渡口訪君鄰買酒須教破百緡如此秋光不能醉丹楓笑  
殺過江人

聞雁

有葉齋翼卷三

十一

塞北聲初到江南客未眠懷人人不見吹汝落燈前

棲霞嶺

七十二蘭若安禪在此峰經聲多隔竹雲意不離松踏葉去時  
誤聽樵行忽逢名山解留客嵐翠鎖重重

正月七日同黃相圃岫雲上人過昭慶僧舍與家西林  
先生穎芬茶話

東臯隱君子天竺古先生磬外招雲到林中共鶴行梅花人日  
白春水裏湖清坐久茶頻煮微烟拂鬢輕

觀燈行同沈梅村亦然作

請停踏燈曲聽我觀燈行傳柑纔罷元宵宴連礮來游不夜城  
條軟繡吳山路行行不斷衣香度氤氳散作萬家煙縹緲聚  
成三里霧銀花火樹層復層四圍簇擁明霞蒸迷分寶馬香車

山價合南油西漆增銅街蹴踏喧塵土還往渾如迷處所竹騎  
爭迎太守旗秧歌賭唱田家譜東風吹雲雲不行半天捲起皆  
春聲樓頭幾處吹瓊管院落誰人奏玉笙玉笙瓊管朝朝聽此  
度尤添少年興魚龍曼衍水如飛星斗盪搖珠不定美人家住  
大道邊晶簾乍啟側花鈿貪看陣陣紅燈好要祝年年明月圓  
年年難得豐登樂三五良宵及時約比戶通明坐屨窗重闥談  
蕩開魚鑰武林舊事紀繁華舞隊依然南宋誇雪滾萬團蛾放  
鬧雷轟十林鼓催拋蟾蜍下與燈光并和月和燈千萬影徹曉  
安知蠟燭灰燒空不許姮娥冷可耐笙歌散舞筵可堪羅綺歇  
華年閨燈也慣杭州謔問燈實錄買夜徒輸使宅錢清平官長同  
民好豈料窮檐轉嗟悼柱教皮裏竭脂膏誰向田間照虛耗自  
笑書生計已遲夢梁一枕醒方知卽看淚液銅槃後何異燐飄

有珠齋詩集卷三

七

蔓草時駢頭雁足紛何限墻脚塵埋難到眼回首朱門幾椀燈  
此是中人十家產

丁家山觀桃花同項蓮峰朝榮作

尋源獨自到桃關花氣多迷夕照聞寒食光陰宜白舫春風顏  
色在青山亭空古翠沾衣重路轉明霞照眼殷不待重來人面  
改臙脂石上已斑斑

清明

野塘花落亂鶯鳴春色園林綠漸成深巷幾家插楊柳薄陰連  
日爲清明流連世態看分火兜惹童心聽賣飴我是常年逢冷  
節新烟閒任水邊生

百步塘水月老人故居片序

山艮山門外有塘曰百步寒水相繞漁煙遠生塘上有水月庵

卽水月老人故居也老人姓孫名文字文石號水月會稽諸生  
隱于杭榜所居爲梅園性恬靜一介不取聞爲長短歌詞問其  
年嘗稱九十髮盡禿人多以僧呼之潘陽范忠貞公撫浙老人  
曾從忠貞大父游時忠貞尙幼老人撫其頂曰是兒當建節吾  
士吾猶及見之至是忠貞母太夫人言于忠貞遂物色焉久之  
始得屏騶往謁談論數四捐俸爲建百步塘勒石紀之時西溪  
多虎患老人與忠貞言每曰山頭大嶽任打門內大蟲休惹及  
忠貞遷閩督老人又言曰耳後火發時須要有主意其後忠貞  
竟死耿難老人素不喜與世事及是人以爲前知爭就之老人  
益厭惡避去不知所終土人改其居曰水月庵肖老人若僧象  
召緇徒奉之爲香火院王阮亭先生池北偶談稱之爲水月和尚  
尙未爲無據暇日借相圃春漪過其地乃賦此詩

有珠齋集卷三

七

老人非隱尤非僧任呼牛馬我盡磨一椽棲托太平里太平無  
事吾無能梅花開時自題句閒寫影疎香暗趣自有中丞騶唱  
來一夕高風動行路大蟲門內勢已成耳後獵獵蒿火生海風  
千里吹碧血老人乃得前知名山空木落老人去雲護柴門白  
于絮老人不歸已百年春來人識栽花處老人老人神仙儔家  
中但有衣冠留夜深無人鶴不語明月自在波中流茫茫水月  
無留迹香火何人表幽宅懷古來尋百步塘論心爲證三生石  
同黃相圃星橋昆季渡湖游慈雲嶺登鳳凰山絕頂尋  
御教場故址下山經月巖值雨至勝果寺小憩復游梵  
天講寺訪靈鰓井及錢王雙石幢際晚冒雨而歸得詩

四首

露白湖氣深葭水渺鶻楓漁謳發清曉聲若在巖際叢樹秋不

晴涼翠自相翳，愁雲何處雲。一角露新髻，臨水愛沿洄。登山極  
迢遞，路從萬竹中。轉入一條細，上上及翠微。香氣雜松桂，下視  
前渡人，樵販亂無次。

豁然出山坳，人影在空翠。江湖含縹緲，萬里動秋思。其前御教  
場，昔者屯女騎。君王樂燕閒，兵戈託游戲。豈知跨驢人，日灑中  
原淚。事往不可追，夕照寒滿地。鳳凰亦何哀，空山激松吹。

前林答遙響，飛雨沾我裳。雲煙所聚處，但見竹栢光。古月隱薜  
蘿，曾鑿與與亡。蟾蜍不自老，桂樹何蒼蒼。勝果說人天，金仙亦  
渺茫。我坐茗須喫，我行筇便將。落葉下如雨，不雨聲更忙。撥葉  
出門去，四山但寒蟻。

幽人行未已，忽聞煙外鐘。鐘聲渡湖去，煙色含雨濃。一犬吠客  
來，一僧持衲縫。流連文字古，共挂幢下筇。乾德之所遺，吾已千

有正齋集卷三

古

年封讀之惜未終，寒雲斷諸峰。靈鰲示神異，天矯其猶龍。吹水  
散巖下，膏沐明青松。沿松取歸徑，脚底泉淙淙。

謝友人送蠟梅

今日蠟書到，先將梅信傳。清臞見黃面，風味逼殘年。淺水銅瓶  
冷，斜陽梵磬圓。素心合珍重，相賞酒尊前。

答胡竹城

濕薪燃火煙塞屋，詩人忍飢瘦。子竹百贅一，豆貧馬嘶韓幹悲。  
之爲畫肉故人憐，我徹骨寒招我飲。酒開心顏，綈袍能令粟虜  
暖，不比狐貉徒爲看。出門一里西湖口，落日漁簪挂楊柳。與君  
聯步唱新詩，誰信家無米。一斗君言子已登，青雲明年去踏長  
安塵。長安公卿能識士，子可自信非人云。春風信肯吹桃李，行  
李區區須料理。冷雁飢烏啼，向人感君急。人如急已乞，鄰不恥



微生高青錢一襍令我豪山妻治裝夜常午辛苦要我離蓬蒿  
車馳馬驅人不少古木輪囷十圍老生珠之水生玉山欲往從  
之何處好君爲我唱歸朝歡我答君歌行路難黃河北去沙漫  
漫凍陰天地三日雪游子衣裳那得乾

練湖

舟泊於此因沈梅村道通相公題江樓作

渡揚州江

高郵

淮陰釣臺

繫直齋一首

南池謁少陵祠

大白四書太

有正味齋詩集卷四目錄

錢塘 吳錫麒 聖徵

解褐集

鶯脰湖曲

練湖

舟泊丹徒同沈梅村遊通元觀登挹江樓作

渡揚子江

高郵

淮陰釣臺

驟車謠二首

南池謁少陵祠

太白酒樓歌

有正味齋詩集卷四目錄

良鄉

寓楊丈硯雨海藏書屋

燕京雜詠六首

春榜放後作

五月四日 乾清宮引 見館選恭紀

十九日被

命入 武英殿分校恭紀

呂紀畫鷹歌

七夕雨四首

蜀鏡詞

同張瘦銅舍人填城南道院看菊二首

景州

曉發高唐

臺莊登舟作二首

虎邱

正月十八日飲高秋厓觀海宅時積雨初晴同胡竹城

金篠廬成棟沈梅村潘亞江世鼎朱西厓應登韻

曉過秀溪橋

月夜過泖湖

水繪園看牡丹

下沙

青村港

蘆隱庵

夕泊楓橋

無錫舟中望慧山

奔牛道中

揚州四首

集寒香館聽林九標吹鐵簫

隋苑行

和江橙里

助光福山中雨霽曉起書事

將還西湖廬竹圃謨招同朱二亭贊餞余于寓齋分韻

二首

同胡竹城沈梅村潘亞江朱西厓湖上看芙蓉分韻得

添字

雪中厨澄源妹婿邀飲偶成

上元後小園梅花未開

雨中何春渚招同陸篠飲解元飛陳玉池明經鴻賓集  
小山居觀紅梅作

假滿還京作四首

石門

月夜同陳玉池何春渚登慧山望太湖作

廣陵雨中管齋曰清招同閔蓮峰華陳古漁毅管平原

希寧林鐵蕭方密庵輔葉詠亭天賜朱二亭汪劍潭

端先家慕橋曾集彌勒庵分韻

同金棕亭教授兆燕家並山山長珏過秋雨庵與竹溪

上人茶話

高郵

淮陰舟中曉雨

有玉齋詩集卷四目錄

三

渡河

雨泊鄧家牖是夜水暴漲

泗亭

仲家淺

濟寧竹枝詞二首

東昌二首

臨清有感四首

獨流口

津門海船歌

三岔河

香河晚泊望隔岸遠山同舒古廉賦

有正味齋詩集卷四

錢塘 吳錫麒 聖徵

解褐集

鶯脰湖曲

煙蒼蒼水茫茫春風吹杜若香問前路阻且長思美人波中央  
美人粧成明鏡裏清歌未斷行雲起片帆直指雲中來鷗夢紛  
紛渡湖水思美人來何遲問前路行自知日暮相思千里遠明  
朝又是長洲苑

練湖

春水環三面人家住竹溪舟師下帆去沽酒練塘西

舟泊丹徒同沈梅村遊通元觀登挹江樓作

大江東去水悠悠烟火千家繞郭稠客子登臨悲落日神伯居

有正味齋卷四

處愛高樓春生紅樹三山迴書寄青天雁留津鼓忽喧京口

驛峭風齊見布帆收

渡揚子江

斷渡顛風一宿留今朝安穩送行舟晴帆歷歷鳥同去春水茫

茫人欲愁近寺鳴鐘如上界高歌擊楫向中流澄江萬頃明于

鏡照我魚龍影裏遊

高郵

山抹微雲秦學士蘇門誰與敵才名思君我欲發高唱三十六

湖烟月生

淮陰釣臺

綠盡玉孫草王孫竟不歸至今垂釣地惟有白鷗飛一飯終酬

母平生肯附豨烟波無恙在應羨于陵磯

騾車謠二首

鐸郎當輪輾輾前騾奔後騾逐風雪天爽騾欲哭來日大難泥  
深沒足獨漉獨漉

朝行登高岡暮行涉河梁世途坎窞不可防往來遊子心悲傷  
美人相望隔千里車輪只轉迴腸裏

南池謁少陵祠

玉露悲秋客麻鞋泣血臣古今推作者忠愛見詩人舊日南池  
路祠堂芳草春不須啣飯顛憔悴爲風塵

太白酒樓歌

玉京下謫飛仙人樓頭一醉三千春錦袍烏帽歸何處繡棋雕  
題空自新雪花如掌穿窗牖安得一杯常在手白雲樓角水樓  
前倒看青天插北斗高吟白也詩動我長相思古時月比今時

有平乘齋集卷四

二

好照見狂歌被酒時書生元元搖柔翰安得隨君遊汗漫縱博  
壺邀玉女投行沽佩解金龜換倚闌日暮遙相望雲車風馬紛  
翺翔高阿把臂丹邱隱鑑曲論心賀老狂東風吹開烟漠漠軟  
邊琉璃春一箔縹緲凌虛跨白鼉蒼茫對面招黃鶴黃河如酒  
從西來那不壘麴成糟臺十千莫論尋常債三百須傾笑滿杯  
君恩遼遠沉香隔異域飄流夜郎謫人生頃刻異悲歡此地依  
稀戀魂魄持觴濼濼招酒星相勸莫放今朝醒盪胃直接滄波  
澗洗眼全收岱色青萬古才名孰能敵但有此樓須此客聽松  
前度隱居笙乘月他年羽衣笛回首青山風雪間謝公顏色可  
追攀騎鯨請送仙人去汶水城南轡復轡

良鄉

密塗轉涿鹿緒水縈鹽溝驅車遵故迹篆折何其修陰寒積遠

激陽暉闇荒邱森森女貞木湛湛青瑤流懿彼葛王妃令節敦  
千秋芳瑣薦瑤席神風肅珠旒白雲來何方能起山水愁名義  
苟不徇閭世誠蟬蛸

寓楊丈視雨海藏書屋

先生本高士人海此身藏老屋數間在落花三徑香論交到竹

先生寫松木竹石  
石爲海藏三友圖

有詠卽滄浪爲我清談久簾鉤下夕陽

燕京雜詠六首

辛苦研都十載來喜看 宮闕鬱崔嵬大東雲護龍身入古北

山蟠虎氣迴地近諸王連第宅天清大液見樓臺卽 今統馭

無中外圖書朝元萬國陪

興朝人各効驅除何待崔苻鼎沸餘構黨勢先沉白馬漏師機  
早伏多魚酒尋舊獄澆冤後僧譏殘灰話劫初千古紫陽稱直

右末齋襄卷四

筆待修綱目續麟書

時館上有修明  
紀綱目之識

使者求書出 禁林儒生奉

詔起江滸賦知

帝賞凌雲意筆望臣輸晝日心萬卷長恩窺亦駭一藜太乙照  
難任文章矢報休輕說忠孝須從六籍尋

吉語年年到 紫宸卽看井絡厭烽塵一軍猿鶴悲君子六月

旌旗仗老臣粟轉青天籌不易略通黃石決如神

虞庭聽報頽苗格干羽眞勞舞七旬

樞庭事豈外人知雨露頻聞荷

聖慈方進衣冠稱醞藉贊皇文字合機宜賞兼勳格超階速捷  
待軍書退食遲翻念西征諸將苦兜鍪畢竟遂毛錐

功名無夢到旌旄意氣難消北地豪萬帳秋風盤馬健一臺落

日涼鷹高墟頭技養因聞筑市上顏低爲賣刀聞道公卿多結  
客可能延攬及蓬蒿

春榜放後作

驚雷一夜魚燒尾矯首龍門許共飛豈有奇文高輩行遙知喜  
氣動庭闈嚴親憶遠方占夢老母憐寒欲寄衣今日天渥差慰  
藉祇應游子倍依依

五月四日

乾清宮別

見館選恭紀

御苑先期回

鳳輦

時編在北苑以引見新進士先一日還宮

形埒咫尺覲

龍顏何圖白屋單寒士得入丹毫點注問仙露飛來沾小草  
天風引到卽三山祇慚未竟詩書業便許叨陪侍從班

十九日被

命入 武英殿分校恭紀

有誤齋書卷四

四

五月薰風拂玉除校讐身喜傍

宸居青氈舊是臣家物善本今窺

祕府書自愧冷螢光有限

敢矜落葉埽無餘花間每聽傳漏  
賜食鑿坡正午初

呂紀畫鷹歌

悄然月沒空堂黑古木槎枒陰氣塞森森霜雪逼肌膚漠漠烟  
沙迷粉墨是何神物能絕倫落筆意已無風塵乍掀素練過如  
影直掣金鞵立傍人林良死後良工絕紀也丹青得其訣峯尖  
恰受爪雙拳草際但防睛一瞥是時星正瑤光流變化偶爾人  
閒留俯視蒼茫羣壑接側身瀕洞大江秋座中賓客齊傾倒重  
剔銀燈看逾好鷺極方知態故閒神來偏訝形全稿細筋入腦  
肉角生暗噤鳥雀都無聲將軍颯爽英姿發俠士凌嶒俊骨撐



鬪雞走狗寧堪澗一出中原先騁健辟易同驚興霸鈴老鸞不讓廉頗飯胡沙九月塞草枯十里五里黃雲鋪大旗日落臺邊涼畫角風高榭畔呼羨君手握霜毫起寫出雄心匪形似三驅直欲盡禽還一擊常懷不中恥疾惡如風世所無卽論用意豈區區爪牙防衛需祈父臬獵驅除付都功成狀爾收身早畫者年年官已老金帛新恩荷寵褒興亡前事傷懷抱天鵝一曲彈白翎戰爭未歇琵琶停廢苑渺瀰飛放泊閑坊寥落海東青工執藝事畫亦史那不會荒警天子幾時聽諫匿懷中何日解絲縱雲裏長楊羽獵今乃休奇毛莫向圖中求隔簾暖雨催耕早飛入桃花化乳鳩

七夕雨四首

黃昏簷際送潺潺入耳如聞響瓊環天上也吟神女賦催教暮

有五言齊集卷四

五

雨到人閒

節物空催笑靨開匏瓜架下濕雲堆兒童戴得青荷葉牛鼻浮涼渡水來

堂前積水暗生瀾咫尺紅墻欲到難莫是銀河齊滲地翻教天路一條乾

鵲羽沾濡候渡河悵悵惜惜夜如何明朝驗取悽惶淚灑向牽牛花上多

蜀鏡詞

鏡徑三十六分重十兩有半昔作寶相花八處接鑿魚海螺之屬銘曰鏡俱函影中凡三十二字小篆按張君舟嚴州集載初後主衍幸瓜州

天旌軍節度使王承休妻嚴氏有美色衍愛之賜以羅鏡其銘云云

古鏡蒼涼秋一片鏡中之人今不見三十二字銘在陰寫翠傳紅過如電麗情記自張君房王家阿婦承恩長菱花但照顏色好不照國家興與亡嘉王酒悲涕泗橫諫書上者蒲禹卿眼前

金鑑不知貴乾德匆了此行綺窗繡幌都安在千里山河一  
朝改鸞鳳徒聞泣玉臺蟾蜍已分沈滄海上蝕苔侵又幾時摩  
挲祇益後人悲蛾眉夢斷狐狸穴金盃人問那得知自從花落  
芳林園賸有鶻啼三趙村莫笑武當山上鏡山精獨自拜黃昏

同張瘦銅舍人

增城南道院看菊二首

頽牆短短堆壞瓜苔花斑斑落葉遮道人獨立瘦干鶴風帽一  
枝秋色斜

籬邊來往戀秋光冷雨催人去太忙我與黃花期後會青菱紫  
蠅作重陽

景州

郵亭隨處感勞勞搔首先愁欲一毛雪沒短橋人認路燈明小  
店馬奔槽寒杯醅醲領難醉貧女琵琶唱不豪醒枕如聞洗兵

有正齋詩集卷四

六

馬長風絕頂樹聲號

曉發高唐

荒雞號夜半疲馬嘶門前燈火出門去迢迢聞馬鞭寒氣積大  
野陰雪生微烟峯頭月已沒三五星粘天漸有趁墟人出較林  
鳥先行役劇辛苦負販無息肩冰霜同閱歷役役此百年誰爲  
勞者歌風急聲吞咽

臺莊登舟作二首

耳根鈴鐸未全休眼底帆檣著齊浮十里水風寒撲面白鷗影  
裏上扁舟

絕無人處艣聲過一路霜清縮後波貪喫鯉魚滋味好計程五  
日渡黃河

虎邱

清流演陂池迴陽翳松柏湛然見瑤華千古此片石羸秦孰凌  
緬觀海眩奇迹猶想虎氣騰一劍劃寒碧登臨感歲暮顧踈渺  
今昔美人已逝波芳蕤闕靈宅樹禿雲自棲苔荒雨微積言諷  
山樞詩憂來不能釋薄從鷗鳥遊聊與同所適老僧期未還烟  
深一鐘夕

正月十八日飲高秋厓觀海宅時積雨初晴同胡竹城

金篠廬成棟沈梅村潘亞江世鼎朱西厓應登分韻

卽看梅樹易花飄忍不春杯及早邀過眼江山談往日落燈風  
雨罷今宵酒人慣作浮雲笑豪士翻愁短燭燒羯鼓幾家猶未  
歇檐前缺月不禁描

曉過秀溪橋

一鳥導帆去清溪幾曲過竹光因水淡柳色受烟多塵外吟招

隱風前聽伐柯惟應鷗鷺侶結實在空波

月夜過湖

沙鷗熟眠不可呼明月欲出秋滿湖煙中割槳有人去但聞幽  
響生菰蒲天空岸濶望無際倒浸幾點星模糊征衣颯颯風漸  
緊涼宇蕩蕩雲先通銀盤涌上浪花頂萬頃盡化琉璃鋪虛涵  
荇藻透空洞淨洗耳目生清娛暗潮鳴咽蛭竅細遠樹蒙密牛  
毛巖乘流東指海門近咫尺身似凌蓬壺夷情恍如遙節鮫  
女倏忽馳明珠珠光水氣盪摩久夜闌變滅隨須臾僧鐘遠聽  
發山寺林鶻驚起盤浮圖留人旅夢歸不得漁火一痕江外孤

水繪園看牡丹

雲霞天借作花身玉珮斜翻錦幄新如此色香纔絕世平生富  
貴不因人聞歌暗解欄前恨帶酒濃酣夢裏春占得江南佳麗

地肯教輕染洛陽塵

下沙

日落青楊渡人來黃浦船春雲寒帖地海氣濕粘天就樹支鹽  
舍占花課木棉村巫方祭賽擊鼓社團邊

青村港

水轉村梢作勢寬檣停沙尾帶煙攢蘆碕日落蛙喧夕麥隴風  
生雉護寒歲熟比鄰笏社酒波長中路乞漁餐畫圖儘有倪黃  
筆莫但華亭一派看

蘆隱庵

一庵臨曲渚四面種青蘆山日暝將夕水風喧滿湖生涯幾餅  
鉢伴侶半鷗鳧招隱詩吟罷伊人定可呼

夕泊楓橋

有正齋詩集卷四

八

客行難計程艤舟又前渡酒醒一聲鐘月黑楓林樹

無錫舟中望慧山

身在水雲際涼生衣上秋九龍山不遠吹雨到船頭

奔牛道中

眼色前山來平林織烟縷荒草長千人牧兒臥秋雨

揚州四首

落日邗溝繫客篷繁華世界畫圖中春留歌吹江城艷天富魚  
鹽海國豐廿四橋通來往近二分月照古今同紛紛騎到仙人  
鶴多要他年志寓公

孤舟

曾傳西北有高樓草滿苔荒問昔游風軟錦帆迷殿脚月涼水  
調咽歌頭楊花吹去都如夢螢火徵來已是秋惆悵鬪雞臺下  
路相逢偏起故人愁

淚灑新亭拜表行，竟勞丞相駐蕪城。一軍轉戰晨傳箭，四鎮喧  
呼夜縱兵。地洗烟花債，小劫人騎箕。尾應前生衣冠葬，處梅開  
早爭得南枝鐵骨撐。

戎馬江山跡已徂，槐安眠夢感今吾。慳風涇雨錢刀會，人影衣  
香士女圖。帝子樓空飛冷蠹，大儒坊古簇青蕪。宰官各有歐蘇  
慕，一瓊寒泉薦得無。

集寒香館聽林九標李吹鐵簫

一聲飛怒鐵吹月，出林端木葉滿庭。落碧空如水，寒龍吟清與  
憂鶴骨瘦同盤。吳市年年客孤心鑄出難。

隋苑行

江南烟水浮空遠，流盡繁華去不返。扁舟昨夜向邗溝，千古傷  
心此隋苑。荒涼隋苑夕陽斜，彈指光陰記那家。苔綠祇憐埋翡

有正味齋集卷四

九

翠風寒無復唱琵琶，阿麼當日爲天子。別院離宮並雲峙，翠華  
有詔下江都。一片香飛錦帆水，玉姬空有諫書陳。舊院葳蕤閉  
內人，洛北塵蕪徒寫怨。江南楊柳自宜春，楊花柳絮渾無數。粉  
氣脂雲迷處所，長安閉殺羽林軍。龍舟載得蛾眉女，臨江宮殿  
鬱碧葦。畫箔晶簾貯阿嬌，扇障半蟠森雉尾。冠分百葉簇珠翹  
朝來親御凝眸睇，殿劍履羣僚共陪宴。螭髓麟脂照座明，霜戈雪  
鑿依花見酒酣。步上釣魚臺，芙蓉蓉鷗戲江州。開深宮不鑿貫魚  
龍，瀛海誰知赤鯉來。年年行樂無時已，一曲還催水調起。廿四  
橋頭簫管繁秋風，早已生羅綺。聞說新宮又進圖，連綿複道盡  
金鋪。粧臺巧製翻荷鬢，寶帳高懸照夜珠。自古女戎能召禍，荒  
淫從此人間播。春燈小市賣紅羊，夜色欄杆放螢火。隨藍吹散  
梵王筵，舊夢空尋批。率天撫頸最悲青鏡照此生，竟付白龍纏。

蘭心蕙質如煙滅，杜宇無聲暗鳴咽。遠岸山堆五斛螺，荒臺花  
染千年血。花影山光似電移，珠襦玉匣悔應遲。至今清露梧桐  
下，誰見凭肩私語時。蓬萊方丈無人主，牧豎徒來拾斂股。弔古  
豈啼禪智田，埋愁草滿雷塘路。迷雨迷雲暮復朝，煙花南部總  
蕭蕭。二分剩照揚州月，萬感難消胥母湖。

和江橙里助光福山中雨霽曉起書事

宿雨淨沈琉璃天，鳥聲催醒幽人眠。林端已放一梢日，花外不  
知何處煙螺髻。盤盤擁涼翠瓶笙，格格烹新泉。吟詩如在香雪  
海，名山有約期他年。

將還西湖盧竹圃識招同朱二亭韻餞余于寓齋分韻

二首

日落聞寒雁，波荒老白蘋。還家翻惜別，識字敢辭貧。生計饒齋

有正齋文集四

十

籍狂名誤酒人煙，波同夢寐預要下鷗鄰。

尚憶荷花候相逢，在竹西及茲垂柳盡重聽。暮鴉啼歲月消奔  
走，江湖重品題。冰霜知有日，珍重此杯携。

同胡竹城沈梅村潘亞江朱西崖湖上看芙蓉分韻得

添字

湖風一棹鏡開奩，花上新霜昨夜霽。寒木吟成人已去，折枝畫  
出鴨須添。寒粧容易顏頻換，醉貌分明酒不嫌。惱殺老漁頭盡  
白，移船獨自賞蒼蒹。

雪中周澄源妹婿邀飲偶成

如此團圓會，都驚老大身。友朋同學少，兄妹兩家貧。鯁菜憐鄉  
味，冰霜感旅人。卽歸能幾月，珍重笑言親。

上元後小園梅花未開

憶曾相見此垂垂那不春風日夕吹明月生初難得影青苔立  
久若爲思繁華易老多方惜冰雪能禁獨出遲看到一枝香意  
動前村定是落花時

雨中何春渚招同陸篠飲解元飛陳玉池明經鴻賓集

小山居觀紅梅作

茅屋曾從畫本看香渚有小山居圖買春更約玉壺寬名花留帶三分酒

好雨攙和半响寒簷溜急於傾鑿落香光濃欲壓闌干詩人北

郭他年憶合例南湖上將壇

假滿還京作四首

君恩期汝報老父促行裝白髮靡能健青雲故自望水聲流鼓

吹山影轉帆橫鄉樹重重合回頭已夕陽

藤蘿虛陪月松菊老荒園舊業餘書卷貧家仗弟昆白鷗懷浩

有正味齋詩集卷四

七

蕩春艸夢黃昏蓬巷何人訪今宵早閉門

師友傷零落西風又一年不教門立雪多見玉成烟淚爲千秋

灑文應萬口傳只應燕市笛愁聽酒壚邊座主林香海先生於去年捐館同年家魏渚翰撰沈祖香編修

亦先後

去去三千里依依十二橋哨帆吹日夜旅夢越風潮魚信期前

路鷄鳴夢早朝江南見女憶尺五印

雲霄

石門

春事已將盡樹陰猶薄寒蠶忙今月初始田家以四月爲忙桑色野人看衣

被衝茅急徵催胥吏寬猶聞戴勝鳥辛苦訴多端

月夜同陳玉池何春渚登慧山望太湖作

巖梯千級躡荒苔月照林扉豁達開頭上松聲雷雨落鳥邊湖

氣白虹來鬢髮縹緲堆三面星斗蒼茫浸一杯恍惚神靈相揖讓早應見我立崔嵬

廣陵雨中管齋曰

蕭

招同閔蓮峰

華

陳古漁

教

管平原

希寧

林鐵簫方密庵

輔

葉詠亭

天賜

朱二亭汪劍潭

端

光家慕橋魯集彌勒庵分韻

渡江三日日雨篷底瑟縮如眠蠶衝泥爲踐故人約竹轎  
軋來茆庵木瓜樹大陰蔽隔間雜涼氣紛紛相逢主客似圖  
裏濃綠一色須眉含僧廬不設米汁戒彌勒與我應同龕櫻桃  
勾圓新筍脆到眼風物誇江南羣公此地有根著却令遊子心  
懷慚花開花落春已去鬢絲禪榻吹髮鬢燕雲越樹兩隔絕揚  
州之夢吾焉貪詩壇龍虎老輩在燒燭但愛今宵談今宵有酒  
飲且酣明朝離別情何堪曉鴉忽起雨聲歇落落晨星見兩三

有正味齋詩集卷四

十一

同金棕亭教授

兆燕

家並山山長

耳

過秋雨庵與竹溪

上人茶話

香門來往認紗羅徑曲池平句屢哦竹樹老蒼炎意少蓮花清  
淨苦心多游仙已謾人間鶴聽講先訓座下鵝落日登臨何處  
望諸天杳杳隔藤蘿

高郵

勝會文游句僅傳珠光篋社見何年古今來往泰郵月南北縱  
橫楚杳烟野水魚龍通蟄穴亂帆商估急征船登樓我爲蒼生  
感高浪平看已拍天

淮陰舟中曉雨

參差密樹映清淮絡繹飛帆過釣臺雨挾涼聲隨浪去雲分曉  
色渡河來下流畫艇千家竈極浦蛟龍一道雷自笑老生談不



厭何時保障起良才

渡河

東望連齊魯，沿滔送客程。日高騰濁浪，風落走虛聲。舟楫期同濟，魚龍亦避行。射陽城不遠，回首亂雲橫。

雨泊鄒家牖是夜水暴漲

閃閃金蛇飛，森森銀竹立。千艘爭泊所，篙櫂力不及。得命傍懸崖，敢惜衣裳濕。傍徨坐達旦，一望失原隰。膏驅沙石徙，林捲魚龍入。百室幾漂搖，餘生寄呼吸。天公未拗怒，雷殷四山急。亮無黃鵠羽，益凜魚腹泣。吾知造物樞，雨輩徒岌岌。風雲無定蹤，瞬息自收拾。林杪朝陽升，茅茨亟修葺。

泗亭

列岫森彭門，迴風盪泗水。真人昔魚服，大度表鄉里。歛魄素靈

有正味齋集卷四

七

藏，承符赤曜起。收秦見銜壁，馘楚無費矢。稜威播區陬，炎德受圖壘。綿叢緬禮興，戎亭弋止時。來奮英雄事，往思壯士荒。波閃餘明故蹟，標築峙雲氣。碣山歸落日，照猶紫。

仲家棧

鳧雲吹欲落，嶧雨晴不飛。萬柳綠無次，高低隱斜暉。其上仲子廟，俯瞰漁家磯。廟前曬破網，牆上堆蓑衣。云是其子姓，百代猶相依。慚余負米人，輕自離庭闈。願言訴懷抱，不見劔佩歸。天暝水風大，月上入影稀。安得農丈人，雞黍慰我飢。

濟寧竹枝詞二首

夾河楊柳綠生烟，八閭估櫓高接天。郎心去似下閭水，妾意愁如上閭船。

妾家矮屋青漆闌，門外棗花日日看。不解湖心采菱曲，只唱林

中打棗竿

東昌二首

南北檣帆繞堞攢望來烟火信殷繁千年俗表齊風大六月雲  
連嶽氣寒遠道飛芻方絡繹人生行路太艱難連朝待牐淹留  
久慚愧青天一羽翰

西風笳鼓動城隈此地真須控制才濕水一支微子國夕陽終  
古魯連臺防秋力殫金隄塞剗亂心傷戰骨堆聽到胡僧談往  
事昆明原有劫餘灰

臨清有感四首

曾是殷繁地驚心灰燼餘突難防檻獸殃竟及池魚白首人傷  
亂黃紬吏養疽庾冰先自遁宛轉奈蓬蔭

子政徒山賊孫恩豈水仙動誠知蠢爾聚即可殲旃艸莽爭傳

有正齋詩集卷四

十四

箭花門各控弦由來忠愛意愚賤最能先

聞道將軍出思申撻伐威嵐岡經力挽礮火息狂飛旋見沙蟲  
化終令戶口歸愛民吾輩意痛定淚沾衣

帆檣仍此泊市肆竟能稠雨洗干戈氣風生草木秋恭承

天子聖

恩被小民周漸養瘡痍起羣公幸好壽

獨流口

秋色和帆葉隨風下獨流河聲淇水合柳色夕陽留萬戶炊烟  
動千年兵氣休三關西去路無復入邊愁

津門海船歌

大沽小沽波汨汨千檣萬檣高刺天相鳥銜旛空際旋縹緲欲  
赴蓬萊烟船頭海賈袒兩肩南從閩粵歸幽燕巨靈遠蹠凌八

埏東方紫泥衣屢濺  
去年漂榆帆乍懸  
一針鴨綠浮齋漆  
仰空蕩蕩迷星躔  
神燈雙導南風便  
火輪碾上扶桑顛  
天雞叫醒鮫妃眼  
沙邊島嶼鬢髻妍  
雲中宮闕珠貝鮮  
收洋打鼓聲闐闐  
以爾車來我賄遷  
鳩留喜結仁者緣  
華髮樂受天宮慶  
眼眩百貨紛填駢  
流離珂珞光揚煇  
空青鞮鞢絲互纏  
金銀氣塞不得前  
下風時亦脚龍涎  
枯槎冷笑張家騫  
招搖一葉翻乎翻  
百色妖露戲我前  
海童當路小髻偏  
天吳蜩象爭蜿蜒  
性命甘博黃金  
千今年十船九不還  
桑田不變變墓田  
同行火伴魚腹填  
歸來涕泗垂漣漣  
吁嗟此事聽可憐  
收之桑榆寧爾憊  
我有學海尋無邊  
卅分之城下築堅  
暨乎歸墟同一淵  
中間穩划多寶船  
珊瑚可網石可鞭  
金丹不用燒凡鉛  
沃其膏者壽彭殤  
曷不從我歌遊仙

三岔河

衛白交流水怒盤  
黃雲散盡海天寬  
津門樹色三沽遠  
褐石秋風萬里寒  
清濁不聞歸壑異  
隄防始信導河難  
千年豆子甌邊路  
陳迹無多少照殘

香河晚泊望隔岸遠山同舒古廉賦

朝塗理輕柁夕渚阻孤榜  
霞照已西馳戀情忽東往  
紫翠通百盤烟靄鬱萬象  
結翫赴空明流觀極俛仰  
羈愁釋初懷冥色媚餘賞  
緬彼猿鳥蹤復此薜蘿想  
雲停美人來露積華月上  
繕性寄歡歌前巖共清響

有正味齋詩集卷五日錄

錢塘 吳錫麒 聖徵

翰苑集上

雜詩十二首

同陳寶所給諫鴻寶朱春浦司業茶元景灑江考功江

錦游萬壽寺四首

九月六日雨中同衛訥旃德威舒古廉居荷莊念祖集

寓齋分詠重九故事得催租吏

花窖歌

丁香花下懷相圃春漪

晚自西郊投清梵寺宿次陳伯恭崇本韻

散館蒙

有正味齋詩集卷五日錄

恩授職編修恭紀

移居用樊榭集中韻四首

九日夢堂相國招集獨往園和施耦堂侍御學濂韻

荒莊感蒼苔圖歌并序

題羅兩季聘仿東坡墨竹

鳳城新年詞四首

同徐鐵崖立綱于健園鼎戴可亭均元游法源寺歸飲

鐵崖寓齋同賦二首

送春三首

洗象行

顏魯公名印歌

題桂覆水谷覆溪山獨步圖

漢長史相忘瓦歌爲張瘦銅賦

漢廬江太守范式碑額拓本

哭胡竹城

盆梅

桂未谷以所藏山谷詩孫印贈黃仲則景仁屬余爲詩

記之

上已集禹載軒編修厚載清遠室分賦梨花得之字

蘇文忠公定惠院月夜偶出二詩草稿翁覃溪學士方

綱以摹本裝冊索題用元韻二首

題鄺湛若硯銘并洗硯池字拓本

文丞相琴歌

趙孟頫小印

蘇味齋詩集卷五目錄

二

十月九日夢堂先生招集獨往園作展重陽會

覃溪學士畫蘇端明遊迹四幀索題四首

黃樓

雪堂

白鶴峰

載酒堂

十二月十九日東坡先生生日覃溪學士招同人寘酒

蘇齋朱芷山同年葆醇畫李委江上吹笛圖各題一

詩

正月五日趨堂侍御畱同張鄂樓彤小飲寶石齋顧章

田比部震繼至同用耦堂男字韻

毛雨香舍人鳳儀儻居王文簡公古藤舊廬招同李味

莊延敬 王紫宇春煦 何南陔循 胡淇厓榮 陳伯恭諸

同年小集仍用前韻

燕九日孫補山中丞士毅 招集寓齋卽和其疊字詩韻

謝文節橋亭下卦硯歌

天馬 杜文貞公遺像 晉風塵入困蹙蹙下首頻仰但回一顧

張瘦銅屬題錢秀才書鍾馗嫁妹圖 之事倘途落日休

聽鼉和瘦銅

采蓮曲 貧女愁然朝忽飢飽爾香願杼三日五匹

和瘦銅積雨十二韻 直盡雨何訖

夜齋次夢堂先生韻 座左右揚清語雷春古

宋文丞相遺像二十韻

有皇齋巖卷首錄

宋文丞相遺像二十韻 送胡廣索題四首

宋文丞相遺像二十韻

宋文丞相遺像二十韻

宋文丞相遺像二十韻

宋文丞相遺像二十韻

宋文丞相遺像二十韻 招同人賞

宋文丞相遺像二十韻 書李委江上吹笛圖各題

宋文丞相遺像二十韻

宋文丞相遺像二十韻 味其疊字詩韻

同平心樂以用前韻 和胡廣字韻

王紫宇 春煦 何南陔 循 胡淇厓 榮 陳伯恭諸

有正味齋詩集卷五

錢塘 吳錫麒 聖徵

翰苑集上

雜詩十二首

天馬西極來權奇待殊賞風塵久困躓  
櫪下首頻仰但回一顧恩輒奮千里想  
誰能芳草歇不望玉禾長努力事脩途  
落日休慨慷

耿耿閃寒燈淒淒守貧女怒然朝忍飢  
勉爾宵顧杼三日五匹成龜手可憐汝  
秋情已如絲草蟲爾何語

良辰啓文譙高堂會朋儔華燈照中座  
左右揚清謳雲雷奉奇旨方圓薦珍羞  
纏綿故人意珍重要路游願申中鬱陶  
藉畢心獻酬神飈激涼吹碧樹紛已秋  
烟消燭房歇露下舞榭休笙歌

猶在耳泊然歸山邱

有正味齋詩集卷五

南園卉植繁中有不秋草涼雨立蕭森  
嚴霜裏寒皓豈無桃李姿能競豔陽早  
盛時先自炫顏色那得老榮華在本根  
虛心聊自保

士生山水區動羨烟霞境振策散奇懷  
每造猿鳥請明月頂上來和身墮蘿影  
風虛響時肅境悄心屢警遐思高志人  
豈在守箕穎登香鸞翅修隱霧豹文炳  
耕釣可終身天下爲引領

獨立蒼茫裏四顧誰晤言迢迢念古人  
荒荒見寒原惟聞白楊樹悲風吹黃昏  
自非王子喬安能謝塵樊揮手跨鶴去  
前導雲旗翻至今緜山路人疑笙吹哨

呢喃雙燕子營巢各東西遠銜沙洲草  
近啄濁水泥不羨華屋好但戀茅簷低  
富貴迫危幕貧賤安故棲長願與主人  
百年壽

命齊

黃河天上來其勢本北注東之使南行奔騰遂善怒碎磅礴晴  
雷混瀚浦素霧帆檣沂來程波濤激後路蛟龍暗耽人馴致多  
方誤一壺怵千金輾轉生恐懼縱抱濟世心望極中流樹一歌  
行路難再唱公無渡

霜氣薄鷹背風色刷馬毛天秋寒草低日落邊笳高身馳交河  
道目注長城切青苔閱今古難使白骨豪英雄各有志何以酬  
孟勞

明月照曲巷紅樓中有人不見馬上郎但見馬後塵一朝葺菲  
棄永割恩愛親舊雨不如今故衣安得新已落鏡中色敢歌陌  
上春賤妾固已矣勗哉君子身

昔游嚴陵瀨遠望金華山羣羊互騰踔各各凌孱顏風雨倏忽

有乘藥集卷

二

生疑是初平還驅之逐隊走出沒金光間神螭安可駕螻蛄徒  
思攀玉童來致語贈我石可煮謂立三千功終當迎接汝寒暑  
歲易更靈丹幾時成綠波盪海月脆若琉璃聲王母坐紫宮霜  
落蛾眉驚呼龍種瑤草昨夜桑田平

灼灼芙蓉花託根在清池微風荷披拂馨香宛在茲誰歌仙人  
篇臨流欲招之白露皓已盈珠重難自持甘守君子性逝與秋  
水期

同陳寶所給諫

鴻寶

朱春浦司業

景元

景灑江考功

錦游萬泉寺四首

同用遊萬泉寺四字爲韻

寫此秋士懷曠然于野謀十里暗蘆葉乘車若乘舟倏忽塵土  
夢吹落江湖遊空明見水態挂向高樹頭不知人烟生但露茅  
茨幽雞犬靜不聞禾黍香更稠行行路漸近鐘聲出僧樓



寺門外有泉環以樹無萬曲折凡幾里到此乃一頓居人饒種  
植花香藕亦嫩踏藕我方來紅衣已先褪似憐髻上塵涼沐爲  
屢噴七椀借僧庖且煩暑茶券

沙彌導客去一徑松栝穿怪鳥啼我後石獸蹲我前下有陳死  
人家高冢祁連百年富貴骨一朝蔓草纏豈無訣墓文煌煌功  
德傳風雨不相惜龜趺沒寒煙魂魄縱有知安能到酒泉我今  
不痛飲明朝已華顛

行樂須及時濁醪亦旣醉颯然涼雨生水風不可避陰晴殊俄  
頃萬象入淒異菰蒲散餘聲雲霞聳晚翠秋色來何方天涯緬  
迢遞芒鞋謝樵牧高蓋擁車騎徒聞招隱書遠辱故山寄歸聽  
草蟲鳴催夢落僧寺

九月六日雨中同衛訥庵德威舒古廉居荷莊念祖集

有東齋卷五

三

寓齋分詠重九故事得催租吏

宛然潘老苦吟時風雨蕭蕭客到遲且喜催租無小吏不妨就  
菊賦新詩人能送酒門煩叩家本無田稅可知何日荆扉相對  
掩故園兄弟懈同持

花窖歌

東風十日吹人倒撲面黃塵飛浩浩過雁猶啼冀北寒懷人但  
唱江南好茶畦縮甲木不荏閒愁鬱結無由開鬪雞芳草缸徒  
酌花戶油窗夢屢回比鄰侵曉佳招及相見交催馬蹄急城隨  
列雉幾里沿徑轉修蛇一條入到門但聽蜂聲邀已有香氣空  
中飄車帷閉置憐新婦金屋安排羨阿嬌通明繭紙糊冰素密  
眼重簾織蘆護焮火深房活燄通培泥小墜陳根傳一重一掩  
曲更斜闖然走入東皇家權分戚里移春檻豔奪宮人剪綵花

噓寒作煖爭頃刻蒸出天台霞五色迷離三里霧中看宛轉九  
張機上織朝暎倒射晴一窩陽春有郢句留多畫旛預遣封姨  
避窟室先熏鄭伯醜自誇老作灌園長好事時來貴人賞催趙  
花風廿四番消除白髮三千丈挽回造化同兒嬉此術豈復人  
工知仙家縱有鶴林跡遷客徒詫藍關詩好枝次第春堪揀識  
得嬋娟要青眼夕照默歸下澤車黃金費却中人產聞言令我  
生咨嗟吾鄉花事西湖誇韶華豈用一錢買矜寵何曾九錫加  
吾

臯重稼咨田峻日爲蒼生念飢饉長吏能敦鄭白耕相公不許  
姚黃進似爾機智矜豈厭咎毋乃爲木妖生香活色何從見  
冶葉倡條那足措行看澤布陽和早到處春光任幽討簪帽  
來聽上苑鶯擣尊去藉豐臺草天喬滋長總由天本厚還須得

有菜齋菜齋五

四

氣全羯鼓一催譏作俑唐花名字至今傳

丁香花下懷相圃春漪

苔徑微微起晚寒無人花下共憑欄一分已覺堪憐早百結緣  
知欲放難容易愁生偏我伴尋思畫出寄君看不須西向長安  
笑春色江南似海寬

晚自西郊投清梵寺宿次陳伯恭

崇本韻

陰晴溼不定水氣雜雲光泉繞鷺身白雨生荷葉涼樓臺天宇  
矗禾黍野田香我欲諮禪去鐘聲出上方

散館蒙

恩授職編修恭紀

青氈落拓愧平生黃紙傳宣荷

寵榮弟子職纔辭北面秀才官已重西清草茅得竊非常遇文

字難酬本分名長幸響毫依

舜日此心惟願作葵傾

移居用樊榭集中韻四首

巢痕根觸雨風餘一歲長安屢下居但與虛舟同泛泛何須夏  
屋計渠渠樹陰綠處安新榻梅子黃時憶故廬滿眼雲山圖畫  
在臥遊便擬狎樵漁

功名三十未華顛人羨登瀛似列仙菽水光陰南去夢妻孥消  
息北來船纜成薄宦偏多感却爲新居屢損眠祭竈明朝謀一  
醉典衣先辦酒家錢

插架圖書整復斜不多家具也堪誇尋僊靈老爭千古釀蜜蜂  
豪聚百花三豕訂訛求善本一鴟修費借鄰家他時夜讀聽兒  
輩瀉水聲多莫厭譁

五味齋集卷五

五

閉門剝啄喜無聞破硯枯棊罷策勲酒後但論吾輩事胸中要  
有古人云好留昔藉常供饌豈羨芭蕉易出羣鄰樹不須誇借  
蔭一枝我已上林分

九日夢堂相國招集獨往園和施耦堂侍御學謙韻

一雁遙翻日影來雨風齊罷共登臺相公亦愛閒居樂佳客真  
成獨往才白髮紅顏珍晚節黃花紫蟹勸深杯多情憐我狂名  
在馬上欲斜醉帽回

荒莊感舊圖歌并序

明嘉靖中張莊僖公劾嚴嵩父子伊王典樞爲一代名臣暮年  
其弟侍郎公爲築室菱湖極一時硃屐絲竹之盛世所稱四雨  
莊是也今已爲禾黍之區舍人填爲侍郎公六世孫繪圖以紀  
之而屬余賦其事

余家本住吳興里近徙錢塘百年矣一船風雨過西陵年年麥  
飯棠梨裏

余家祖居烏程有莊在西陵村歲時掃墓每宿于此

舍人生長姑蘇臺淵源乃是菱湖

來却思先世釣遊處兩家鷗鷺無相猜比來同在長安住祖德  
重看後人賦一幅圖開四兩莊呼余來認茗溪樹茗溪清遠多  
釣家門前流水足魚鰕飯香酒熟門不掩好風吹落溪頭花花  
飛直過前村裏略約一條橫跨水桑柘陰中曳杖來無人識得  
尚書履尚書朝內有聲名袖裏彈文四海驚權相驕王俱膽落  
獨盤一鶴唳秋清此莊誰爲經營好哲弟侍郎歸更早豈少機  
雲才調傳竟容求點山林老百年無復數清門久矣天涯散子  
孫蘿磴蟲啼寒白日柴扉草長掩黃昏舍人感舊尊前說指點  
溪山重識別午橋零落子欷歔丙舍荒涼我嗚咽白蘋洲上可  
垂綸何日仍邀作比鄰一畝先人敝廬在與君同賞綠楊春

題羅兩峰 仿東坡墨竹

有菜齋集卷五

六

一竿老蒼態轉迤一竿搖綠烟未收其旁孫枝抽瑣細嫋嫋似  
帶秋風秋坡公畫竹具竹理後人貌似非神似湘娥有淚不肯  
彈幽谷荒涼紫蘭死兩峰子足繭千山萬山裏日與此君親能  
得此君髓滿窗風雨綠玉橫夜涼不覺清聲起醉墨淋漓尙未  
乾僑州當日見來難三錢爲替雞毛筆寫出偷偷鸞尾寒

鳳城新年詞四首

日射觚稜曉色鮮東風未散六街烟太平偏是兒童解鼓打春  
聲面面圖

郭外輕車響似雷風前繡幃有時開  
君王明日親祈穀小隊紅粧看象來

春風吹過市聲齊人影衣香趁馬蹄骨董新攤燈又上遨頭都

在廠東西

牡丹纔拆帶朝酣  
桃萼旋舒笑口含  
看到唐花春一色  
幾人紅雨夢江南

同徐鐵厓立綱于健園鼎戴可亭均元游法源寺歸飲

鐵厓寓齋同賦二首

春風吹老幾杉櫺  
古事茫茫歷劫過  
碧血長成芳草易  
青苔畫出落花多  
鐘流佛閣聲鏗鏗  
旛護禪房影颯磨  
爲覓經幢重剔  
蘇牆根半晌夕陽趨

塞驢欸欸共歸途  
良夕重開主客圖  
照我燈花宜酒食  
從君煙水話蒹葭  
吳雲越樹俱千里  
荻筍櫻桃又一廚  
容易東風增愴  
惻故入回首隔黃壚

謂家菴浦翁  
沈與香編修

送春三首

有珠齋集卷五

七

不是山阿卽水隈  
一條歸路夕陽催  
離筵乞我今朝醉  
焚尾花開石首來

落花飛絮滿煙波  
九十光陰去似梭  
蹤跡年年何處覓  
一回白髮一回多

東風轉眼卽天涯  
我爲春歸苦憶家  
偏是禁人歸夢去  
江南一望綠陰遮

洗象行

玉河橋畔薰風動  
鏡影搖溶連鬢  
棘快馬通衢盡日馳  
香車夾道今朝闕  
紅旗導自象房來  
腰鼓喧闐殷若雷  
土已稷宜人祓  
濯三庚浴稱爾恢  
哀二十四象行絡繹  
突兀如山路爲窄  
眼膜潤動太迷離  
疥體鱗皴全刻畫  
蠻奴赤脚身手便牽引  
羣教赴玉淵  
眞見截流能徹底  
忽驚蹴浪欲掀天  
翻身似與龍公戰  
貝

闌鱗堂互旋轉冥搜無際一渦深透出中央萬花濺歸然躍起  
陂塘高柳絲拂背涼騷騷奇姿陡發牙撐雪餘怒難消鼻捲濤  
宛同休沐

君王賜赤罽重裝瓔珞被騰驤豈許馬蹄驕蹴踏翻思戰場利  
古來教象作象兵異物亦知人性情海國刀橫朝斫陣吳師燧  
入夜燒營

聖朝無事惟馴養格澤騶虞共來往三品叨支上苑芻兩行慣  
立舍元仗歲歲春明故事循不須畫本爲傳神歸途一路崔巍  
影憶殺宮牆待漏人

顏魯公名印歌

精神萬丈光燭垣朱文二字蛟螭蟠浩然之氣在天地至今尚  
識顏平原生竭忠死臣職獄獄公名呼不得誰狀嚴霜烈

有宋魯齋集卷五

八

心如見握拳透爪力功德記田神功坐位帖魚朝容書成鼠尾  
健鈴以芑泥紅外而藩鎮內闔寺直欲鎮之方寸銅二十四郡  
義士死又聽鄭州鼙鼓起此身幸脫軋犖山此口難逃藍面鬼  
羽衣蛻去碧草愁乘風身已歸羅浮仙壇小字空押尾桃花一  
笑三千秋泥沙洗濯寒芒紫漉漉血痕能沁紙吁嗟乎睢陽齒  
南八指常山之舌亦如此

題桂未谷菴溪山獨步圖

路自雲中入泉從竹下流樵夫不到處落葉幾時秋招隱鳥相  
喚忘機人獨留前溪多暝色風雨暮山頭

漢長母相忘瓦歌爲張瘦銅賦

瑤宮櫛櫛銀雲流鱗密織蘭江愁苔錢繡地沆紅錦六百鴛  
鴛泣秋枕棄捐羅扇歸長門冷螢夜照相思魂土香一片凝荒

綠字與迴腸同九曲櫛子斑爛心苦酸露華不瀉仙人盤白楊  
風起紅桐死銅葦淒涼殘夢裏夕陽瓦礫滿人間地久天長只  
如此

漢廬江太守范式碑額拓本

素車白馬紛紛走世無巨卿誰死友遺傳猶存獨行名殘碑不  
蝕千年後任城地本金鄉鄰君之故里留貞珉甘棠遺愛勿翦  
拜名字脫口猶鮮新其人雖不見其事請具陳孔仲山陳平子  
交友何曾聞生死二年之約千里等呼嗟元伯知尤深至今片  
石未磨滅我疑卽是平生心不見李膺杜密稱人倫激揚能使  
士氣振卽如君家孟博亦英傑甘以死侍龍舒君君名幸不罹  
黨人以清爲秋和爲春廬江江水照顏色共道太守真如神功  
名不在爭奇績今古山阿終寂寂餘淚猶揮峴首碑故人易捨

有葉齋集卷

九

山陽節

哭胡竹城

人壽良難比大椿中年何遽殞斯人功名蟻蝨難爭命風雨鴟  
鴞易愴神愁不能澆翻縱酒樂何如死竟抽身梅花百樹清泉  
繞今日林家許結鄰

益梅

黃昏亭角月來時疎影看從紙帳移無夢空山等鶴伴倩誰縮  
本寫苔枝江南信息相逢早硯北光陰欲放遲消得屏帷好清  
福不愁故側風吹

桂未谷以所藏山谷詩孫印贈黃仲則景七屬余爲詩

記之

金華仙伯歸玉峰踏雲去弄青芙蓉詩孫未識是何代朱文小

印銅花封未谷得之不自有却付公家後人  
手後人詩好繼前人如向蘇門見黃九西江  
妙語誰討論心香一瓣今猶存公於此派爲  
鼻祖後起母乃皆兒孫淵源況復同一綫豈  
謂工詩例貧賤夢中綵筆倘能傳但作詩孫  
吾亦羨乃公昔日淪謫多簪花白髮愁如何  
磯頭徒感新婦石天上自唱琵琶歌黃生黃  
生今少年置身合在青雲邊肘金如斗亦容  
易蟲魚不用窮雕鏤春燈搖綠杯浮蠅座上  
如君能有幾我歌便欲索君詩還乞芝泥紅  
押尾

上巳集周載軒編修

厚載

清遠室分賦梨花得之字

偶得味外賞停觴對幽姿好風吹雨來日夕  
膏沐之託志在貞素容華非所期娟娟洗塵  
蹤獨立春陽時蝴蝶滿南園不惜東西吹芳  
情未可竟誰賦靜女詩豔雪動新脊流雲還  
舊枝垂簾覓遙夢月落空長思

有葉露集卷五

十

蘇文忠公定惠院月夜偶出二詩草稿翁覃溪學士方  
補以摹本裝冊索題用元韻二首

去年明月峴山亭今年明月黃州夜先生謫官心自閒  
飛逐蟾光時上下當空正聞鶴唳發快意安得鳧花瀉  
逶巡佛座燈火明掩冉禪幢竹枝亞孤懷自覺古人好  
詩境還從老僧借每憐鬢鬢漸衰白肯使才華先退謝  
平生豪氣閱湖海夜半高歌動鄰舍拈毫何必倣來禽  
飛翰真如舞干蔗但愁攻玉玷未除豈恤塗鴉醜可  
怕詩成一笑天宇寬舒李區區安足罵

蘇齋兀兀思坡仙終日清吟坐忘夜雙南流落良可惜  
寸管臨摹敢輕下槎枒芒角當胸橫歷亂珠璣滿盤瀉  
精神欲抉三昧出真蹟何疑一等亞於今明月亦依舊  
當日光陰不容借千年



鶴化詩僅存院裏紅棠幾開謝紛紛過眼盡雲煙草草闌人如  
傳舍我詩自笑添足蛇公作堪憐斷尾焦遺篇傳寫亦云幸沒  
世無名吁可怕如余草藁幾牛腰一錢不值憑人罵

題鄭湛若硯銘并洗硯池字拓本

內則循天風吹夜泉五字下有明福洞主印今藏王蘭泉廷尉

處洗硯池在鄭東光孝寺外單溪墾王使與拓其字以歸加銘合裝成一冊

君詩乃在瀟湘洞庭間美人老去凋蘭顏乞歸一勺楚江水手  
洗芙蓉不肯閒此硯從君共往還此池流水日潺湲海南遺字  
剽風雨太息畸人閱歷艱高莫高於鴉咋山遠莫遠於鬼門關  
天令絕域顯文字銅柱手剔苔花斑壺筆蘆管盡收拾成赤  
雅誰能剛藍胡二月歌羣蠻彈娘妙舞搖花鬢鸚之鶴之雙活  
眼見君手畫蛾眉鸞歸來抱琴死忠義片石寂寞留人寰招君  
魂兮渺渺石有淚兮潛潛雲車霧駕安能攀天風颯颯夜泉起

有珠齋藁卷五

十一

明福洞邊問珮環

文丞相琴歌

琴爲閩中何氏家藏上刻文山詩云松風一榻而瀟瀟萬里封

元年蒙恩遣問百人夜宿清原寺感懷之作謄于琴中識之梁斯儻同上上國拓其文表示余爲作此歌

上絃謾謾松風鳴下絃汨汨乃作厓山之海聲當時一彈再鼓  
處山石欲裂天爲驚永嘉道出清原寺雨黑燈昏不成睡手揮  
行篋七條絃詩寫孤臣兩行淚泣山鬼兮雲沉沉感君恩兮波  
深深哀哉丞相琴卽是丞相心慘曩尙記板橋道麥飯誰吳冬  
青林景炎時事可知矣空抱壯懷猶不已五坡嶺零丁洋可憐  
道路摧肝腸何如清原山中留宿夜清商一曲龍吟長生在南  
天死北地流落孤琴舊時字故友惟留玉帶生西臺已碎竹如  
意吁嗟乎壞漆淒涼五百秋茫茫誰刺海濱舟高山流水臣心  
在仿佛黃冠故國遊

趙孟頫小印

鷗波亭畔鷗夢空王孫草綠烟濛濛琴心誰記大雅字紙尾剝  
押芝泥紅西風禾黍成陳迹此印珍於三品石相卿祇是秀才  
崑山堂外紀元生見其儼貌非  
常齊至閣中相之曰秀才官問姓傷心天水碧何處春風對仲姬道

場山色寫蛾眉粉奩別有風流在一例朱絲倒好嬉

十月九日夢堂先生招集獨往園作展重陽會

有約登高補舊遊相公佳話重林邱諸峰紅樹新添醉匝月黃  
花未了秋時十一  
日立冬風意較寒防落帽笛聲何處更登樓豪吟忘却  
歸途晚雁外斜陽一綫留

覃溪學士圖蘇端明遊迹四幀索題四首

黃樓

長洪萬頃接樓前人去樓空六百年白酒黃花幾重九羽衣明

有味齋叢卷五

七

月一神仙憤王何處尋祠廟水伯曾來聽管絃五丈大旗千柄  
鋪關心憂樂是前賢

雪堂

兩年衣食得粗安辛苦營堂及歲寒月小恰當門口出雪奇常  
就畫中看此身只願東坡老有婦堪謀斗酒歡蠟燭高燒風雨  
夜對牀兄弟話團圓

白鶴峰

蹤跡平生似雪鴻移居三月太匆匆峰頭白鶴難留客地下朝  
雲定哭公萬里夢尋歸路遠一篇文剩上梁工分明愧殺宵人  
輩若箇烹羊告奠豐

載酒堂

三畝分來水木村黃柑丹荔密遮門多情海舶書千卷撥闖生

黎酒一尊蛟鱷波濤隨地湧  
枕椰風雨接天昏  
祠堂今日諸生會  
誰是黎家舊子孫

和瘦銅初寒新葺小齋詩

開房料理約消寒  
叢雜琴書一榻安  
花戶油窗添眼亮  
竹籬茅舍最心寬  
酒家拊欠等常債  
座客難分大小冠  
十月開爐應有例  
好催茶把送園官

十二月十九日東坡先生生日覃溪學士招同人真酒

蘇齋宋芝山同年葆醇書李委江上吹笛圖各題一詩

山巉巉兮赤壁磯  
曲婀娜兮鶴南飛  
先生高帽披羽衣  
李委紫裘仰以睇  
穿雲裂石聲  
庶幾乞公好句  
公勿違  
二十八字妙墨揮風寒日落  
醉未歸歸時漁火江心微  
七百年來此樂稀  
蘇齋今夕開書幃  
拜公遺像室有輝  
或著屐走衝烟  
霏或索花笑拈

有蘇齋集卷五

七

芳菲是日學士題  
公學尺數頓冥茫更發造化機  
笛聲透出蘆之碕  
鷓鴣巢下俯樹十圍狀  
公危坐高巍  
魏花猶食少瘦不肥  
憂讒仿彿聞  
綵欲西風撼木妃  
呼豨口變慧  
苴成珠璣不逢堯舜居  
宮闈湯火那逃羣  
小誹命宮磨蝎櫻世磯  
彘夢卽通蠻畿  
方今斗奎人所希  
文章精氣彌八折  
倏而來下揚雲旂  
踏赤繩公是邪非  
江光欲起月上扉  
百東坡在吾安依

正月五日耦堂侍御留同張鄂樓舟小飲寶石齋顧葺

田比部震繼至同用耦堂男字韻

新詩來往遞雲藍  
咫尺芳鄰接巷南  
勝日斜川難得再  
閒賓不速恰成三  
米家有舫皆書畫  
酒國如余視子男  
吟到黃柑青韭句  
但聽下筆響春蠶

毛雨香舍人鳳儀儼居王文簡公古藤簪廬招同李味

莊廷敬 王紫宇 春煦 何南陔 循 胡淇 厓 陳伯恭 諸同

年小集仍用前韻

幾箇門生青出藍已誇裘屨盡東南此間老屋藤逾古我見于  
今主易三感舊人難知甲子讀書君又課丁男花開似錦須珍  
重辛苦從前作繭蠶

燕九日孫補山中丞士教招集寓齋卽和其壘字詩韻

風光次第好春回會續消寒許更陪才子幾人持節鉞神仙一  
樣愛尊壘明燈綺席銀花落舊句弓衣錦布裁君是丹砂牀上  
客刀圭乞與換凡才

謝文節橋亭卜卦硯歌

謝侍郎自從信州不守趨建陽橋亭賣卜卜何事乾坤到此俱  
茫茫惟有一片石與之偕行藏此身拚爲趙家死此硯千秋歸

百五齋集卷五

南

謝氏捲起厓山百丈濤紛紛吹作硯池水朱鳥化去白雁來君  
家義士哭西臺可憐市上垂簾日陵畔冬青花已開吁嗟乎三  
寸舌不可說一腔血不能滅車馬誰將輿勝迎雪氈肯學蘇卿  
鬻萬里行行采石磯山河破碎淚沾衣久拋此硯橋亭路瓦礫  
斜陽秋草肥摩挲重在孤燈下蟠鬱蛟螭寒氣瀉問石難尋卜  
卦人作銘誰是采薇者轉茶坂頭夢不回憫忠閣畔靈當來當  
時却聘書曾寫遺墨氤氳萬古哀

杜文貞公遺像

兵戈滿目感時危瘦骨高顙心自悲千里麻鞋豺虎險一身飯  
顆鳳凰飢君臣正氣存風雅妻子空山哭亂離廣廈萬間徒有  
願更無人寄草堂

張瘦銅屬題錢秀才畫鍾馗嫁妹圖

鍾進士汝居終南山日對芙蓉縹緲之仙鬟於鬼爲伯仙爲頑  
胡爲婚嫁猶未畢青衫破帽游人寰彼美人兮粲玉顏千里不  
辭道路艱烏樾一隻遣嫁去阿兄奩贈何其慳其旁一鬼捧羔  
雁想見蹇修辭令嫺錢生圖此當午日丹砂染出朱唇殷行屍  
走肉共游戲壻鄉度亦非人間誰其主者風盪使歌以侑之菩  
薩蠻艾葉帳石榴環小妹往阿兄還

聽鼃和瘦銅

跳波鳴得意水氣雜清渾古寺魚聲續前村雨點繁淫哇傳鼓  
吹科斗長兒孫損我池塘夢蓮天芳草昏

采蓮曲

采蓮復采蓮蓮花滿波面風露浩漫漫日暮人不見不見采花  
人但聞花中語蓮花慣識儂蓮葉可憐汝葉葉花花高復低采

有葉齋集卷五

五

蓮人逐水東西可能花紅如臉媚可能葉綠與鬢齊中流風起  
吹花側曼臉柔鬢藏不得載取蓮花滿畫船女兒爭似花顏色  
涼生細雨搖綠紗鴛鴦只在女兒家但願朝爲比翼鳥但願夕  
爲並蒂花花開還結子絲絡成連理子多苦自在心頭安得絲  
絲常不已去者曰逝者波秋風來將奈何采蓮女兒倚櫂歌手  
挽長帶垂纖羅折花防刺手臨鏡自窺蛾不愁風浪隔前浦只  
愁明鏡掩衰荷大隄馳馬年少子搖鞭直入斜陽裏平生買笑  
向青樓何日看花過綠水小姑愛花紅大姑愛花白紅白從教  
蕩子看天寒褪盡衫痕碧采蓮不知歸采菱菱已稀行雲波上  
自來去阻住歌聲不肯飛美人空斷腸流水年年香栽花不及  
藕悔嫁汝南王

和瘦銅積雨十二韻

過雨陰猶積連霄滴更繁  
炊烟迷樹杪砌水響  
苔根盡龜居相逼  
魚龍勢欲奔人徒占甲子  
天只易黃昏簷竹千條直  
街泥一尺渾  
篷聲牽舊夢屋漏篆新痕  
古巷稀聞屐先生台杜門兼旬  
真目極小住亦眉軒  
曲港平田合高荷大芋喧  
引蝸隨壁綴防蠹  
逐書緡涼覺羅衾薄香須石葉燔  
素心吾輩在好約翦燈論

夜霽次夢堂先生韻

殘滴尚簷際月生何處山徘徊  
中夜久窈窕片雲閒秋色看高  
樹明河遠故關濕煙流不盡隱  
隱翠微間

宋文丞相遺像二十

員自天啟元年五月  
音周忠介公題名

人生皆有死但取此心丹  
汗簡千秋在遺容再拜看  
秀眉與長目古誼復忠肝  
聲伎捐除易英雄號召難  
中原無土地滄海更波瀾  
花鳥西湖盡烽煙九廟殘  
全家罹虎穴微命託樵餐  
半壁

有正味齋集卷五

六

難存趙三年未報韓橫江  
來白雁歸計失黃冠帝哭  
冬青冢臣悲皇恐灘王孫  
鷗影斷師相蟬聲寒負愧  
寧逃史成仁信蓋棺  
棱棱冰硯剩續續寶琴彈  
異代誰同調題名誌肅觀  
對公雙淚落念國萬憂攢  
緹騎南天下淒風北寺酸  
刀砧戕正士社稷殉中官  
共有青編重安能碧血乾  
頭顱紛義侶竹石激哀湍  
明月遙相照蛟龍夜鬱蟠

